

萬 有 文 庫

第 二 集 七 百 種

王 雲 五 主 編

孫 淵 如 先 生 全 集

(五)

孫 星 衍 著

商 務 印 書 館 發 行

孫淵如先生全集

(五)

孫星衍著

國學基本叢書

編主五雲王

庫文有萬

種百七集二第

集全生先如淵孫
冊 五

中華民國二十四年三月初版

徐

著作者 孫 星 衍

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

孫淵如先生全集

冶城繫養集卷上 芳茂山人詩錄第六

題東山絲竹圖

一局殘碁似敵兵。拂衣何必待功成。陶情絲竹中年後。已被蒼生誤半生。

宿清黃交會口舟次口占

一夕波濤宿水濱。八年塵土澆車茵。秋來病骨驚心早。南下河身障口頻。開卷易忘行路險。求醫難似濟時人。黃花待我過重九。且向東籬醉幾巡。

題嚴子陵却聘圖

蒼松畫有物外僧印不知何人

時平容汝去巖廊。一櫂烟波指故鄉。多事客星干帝座。狂奴不及介推狂。蘆花淺水任浮沉。莫笑還山入未深。却聘歸來仍罷釣。高人并少羨魚心。

得趙文敏所書曝書二字以署書樓口占二絕句

三層閣擁百家編。腹笥何曾似孝先。薄宦廿年徒立壁。買書錢是賣文錢。思量故紙隔烟蘿。拂拭凝塵返澗阿。他日不分南北阮。曝衣樓上曝書多。

郭文學廬以神廬圖屬題

萊國樓臺無地起。幼輿丘壑自天然。青山可待巢由買。明月清風不用錢。
蘧廬是處可容身。眼見朱門易主頻。我亦山塘新卜築。未妨舍宅學王珣。
入畫居然似輞川。夢游何必到琅環。爲君更寫平生願。廣廈應須有萬間。

予買虎丘一榭園。建吳將孫子祠。

古詩

人爲保蟲長。天意令冬蟄。食穀智而天。真人學呼吸。聖賢參化育。衣毛復餐粒。哀彼蚩蚩氓。中年耄將及。
我聞上古時。男娶待五十。後來習攻戰。滋生以爲急。伐性牀第間。煎燔自供給。積傷在方寸。何況百憂集。
吾衰孔驚嗟。絲染墨悲泣。上壽焉可期。榮名亦空立。齷齪腐鼠餘。青紫莫爭拾。

聖人治性情。中和以爲寶。禹教先人倫。箕疇法天道。諸子偏不中。一得自矜矯。奈何索虛無。解經雜莊老。
浮屠出東漢。妖夢執稽考。六朝暨唐人。濫觴飾浮藻。循環報恩怨。惑衆使祈禱。豈知眞天人。高識空入表。
責己怨自稀。無求物寧擾。不讀非聖書。肯羨侏儒飽。遐稽有虞代。畫衣當刑條。終身異章服。有類撻市朝。
民固不畏死。法峻俗益澆。苟卿疑象刑。性惡識不超。麟遊讓生草。鳳去驚胎天。察物知天仁。則之自唐堯。
仲由雞冠客。蒲鞭且停操。後有李日知。永屏朴與敲。彼哉酷吏徒。妄擬執法蕭。宿囚肆非刑。誣服由遮要。
收帑始亡秦。五虐起有苗。爾後不足惜。壞此玉燭調。

辛未歲臘八前一日遊焦山遇大雪信宿而返山僧借庵索詩用蘇子瞻放舟焦山韻走筆付之一邱一壑目所眈何況名勝誇東南茲山屢過不一到望若海上神山三窮冬病體幸無恙裹裘瑟縮如僵蠶鑿山疑賊靈運懼有田不歸子美慙江天萬里動寒色蛟龍百丈蟠深潭登山拾給焦洞近枕流高臥神魂酣濤聲激石壯心骨松風入戶侵笑談夜來飛雪照巖谷瓊瑤裝飾金仙龕佳辰臘八適相值齏粥味勝膏梁甘桑陰三宿恐增戀中冷一酌原非貪長歌趁韻才力薄濟勝有具衰年堪詩僧高絕況同志明春再訪山中庵

自焦山放舟登岸仍次前韻

象山招人遠目眈破浪忽返江之南勝遊難得雪盈尺快友應記人同三同遊爲劉司馬台斗顧文學鶴慶中流回首望絕壁天然畫本王荆慙八騶不換此寂寂萬瓦未醒居潭潭鯨波吞山石欲裂蚪枝戰風聲正酣漫空天花助禪悅照座玉屑開清談剡谿旣到忍回櫂焦仙有約當同龕才名畫餅豈足飽世味嚼蠟無餘甘江流有時雜澄濁泉性自合分廉貪鴻歸寥廓弋空篡樹猶搖落人何堪急圖清淨屏塵俗歸途夢繞臨江庵

題周上舍廣衡入關登華圖次吳學士縣韻

咸秦在天上二華凌雲標我遊迫飢驅適與名山遭八年客關西不問資用饒窮冬朔風厲盛暑炎陽驕

東馬登龍門。豈憚去路迢。天關呼吸通。霞際衣裳飄。驚魂在千仞。一墜不可招。偶作蓬島遊。遂趨玉宸朝。求容恥錄錄。易缺愁嶢嶢。翻然夢巢許。無復懷管蕭。歸田解簪紱。戴笠耘禾苗。側聞西諸侯。翹材盛賓僚。周郎倣儻姿。華胄東吳遙。飲醇氣誼真。讀畫心神超。開卷見絕壁。夢游起中宵。蓮花手攀弄。鶴駕從嬉遨。東眺紫氣關。西酬白雲謠。千巖縮方寸。萬壑工摹描。浮生苦拘檢。百歲憂勞切。從君采藥行。長饑日橫腰。修羊儻可逢。毛女時相要。虛名駒過隙。游蹤鶴歸遼。手酌北斗漿。衣用天孫綃。借問曳圭組。何似升烟霄。

餞春次查京卿有圻韻

柳拂池臺絮撲廊。淡烟疏雨玩流光。東風做冷多情甚。約住飛紅又送香。綠暗紅稀各有情。爲誰惆悵鬢絲更。能消幾度經旬醉。又聽新鶯出谷聲。

題笄侍御重光鬱岡樓隱卷

鬱岡本仙都。古有隱君子。昔游窮地肺。未得餐石髓。初成迹荒遠。貞白此棲止。千年白雲冷。後見笄御史。傳真孰添毫。野服想脫屣。道腴故無悶。名在長不死。楚弓得有時。趙璧反可喜。文孫獲家珍。叔則真雋士。裴茂才璜爲笄氏後裔素題我歸青谿曲。屋映北山趾。五松久成陰。獨鶴不飛起。誰能圖子荆。枕流洗其耳。

題方閩督維甸青谿放櫺圖次朱文正師韻

公助合寫凌烟圖。胡爲空谷留白駒。公才帝用作舟楫。餘事經術追江都。陳情一疏急烏哺。循陔終日永。

絳。跌。三。山。二。水。釣。遊。處。手。握。旌。節。思。江。湖。評。謨。已。樹。大。猷。遠。著。述。獨。洗。枝。辭。膚。青。谿。一。碧。照。鍾。阜。放。擢。便。抵。尋。蓬。壺。似。聞。朝。寧。屢。側。席。仍。以。溫。清。辭。中。樞。斯。人。不。出。其。捫。腕。時。有。雕。鷲。無。騶。虞。鈞。衡。須。用。讀。書。種。譬。待。貞。淑。媒。閨。媿。東。南。河。患。歲。頻。告。至。尊。旰。食。民。飢。劬。山。中。宰。相。鄰。侯。在。借。箸。有。益。蒼。生。無。

慶方伯保出尊甫尹文端公遊攝山圖屬題次卷中韻四首

一。代。助。華。垂。汗。簡。六。朝。霽。屐。訪。青。山。顛。厓。尙。有。題。名。在。父。老。猶。思。擁。節。還。落。帽。高。情。鴻。印。爪。籠。紗。詩。句。豹。窺。斑。東。南。已。奏。平。成。績。小。試。經。綸。在。此。間。

銘。恩。鰲。戴。尙。難。勝。逸。事。開。山。問。老。僧。邵。伯。樹。存。終。古。愛。羊。公。石。立。最。高。層。格。天。政。豈。誇。三。異。好。士。才。皆。擅。八。能。民。隱。繪。圖。頻。入。告。封。章。藏。付。殿。中。丞。公。遇。偏。災。必。請。蠲。緩。胸。中。邱。壑。本。無。窮。親。仿。三。垣。築。紫。宮。千。佛。近。依。星。拱。

北。萬。松。齊。捧。日。升。東。靈。泉。珠。瀉。奎。章。麗。絕。壁。天。開。輦。道。通。供。張。繁。華。都。屏。卻。祇。留。柏。翠。與。霞。紅。千。佛。嶺。萬。松。山。珍。珠。

泉。天。開。巖。皆。攝。山。勝。境。

西。曹。東。國。追。趨。舊。方。伯。在。比。部。與。予。同。司。又。同。官。山。東。澹。泊。平。生。味。共。嘗。軾。轍。交。遊。都。契。合。方。伯。兄。今。相。國。桂。前。鎮。西。域。歸。鎮。金。陵。亦。相。過。從。韋。平。相。業。本。縣。長。主。恩。旌。節。今。重。建。見。攝。撫。節。輿。頌。江。淮。久。未。忘。開。卷。清。風。思。吉。甫。好。傳。精。白。報。當。陽。

渡河

萬頃長河剩半泓。海田轉眼客心驚。濁流不信清如此。恐有波濤一路生。

題慶方伯保宦游清興圖冊。

春郊相馬。

伯樂曾過冀北來。能收駿骨到龍媒。勸君更與求良牧。莫任空槽困軼材。

平江邀笛。

碧桃花發草痕齊。一櫂春江水拍隄。只惜仙舟同醉處。不曾邀笛在青谿。

趁雨栽蘭。

化雨光風未有涯。春來生意滿幽階。蕭閒官舍如空谷。便與當門種亦佳。

春園問筍。

零紅碎紫漸紛紛。習靜偏宜對此君。寄語東風好扶植。放教直節去凌雲。

東閣開尊。

西園雅集留題徧。北海清尊達夜開。我似步兵貪一醉。爲君佳約賦歸來。

琴鶴怡神。

手譜弦歌致俗醇。又攜玉節覲楓宸。鬱林片石何曾載。琴鶴隨身也贈人。
一時詒予古琴。並以鶴畜孫子嗣。

秋林清嘯

九秋木落見青山。絢爛霜林錦翠斑。還似山塘頻載酒。子雲亭子畫中間。

海山雅操

腕底天風和海濤。琴音驚舞戴山鰲。移情自有成連在。不礙陽春調獨高。

蓮池授簡

佳句紗籠在上頭。芙蓉池沼燕名流。待君接武平津日。開閣重登不繫舟。
望山相國督部三江作屋署西名不繫舟。

海疆奏績

潢池烽靖畫凌烟。破浪乘風記昔年。應笑張騫徒鑿空。仙槎虛到斗牛邊。

題方制府維甸尊甫恪敏公觀成萬松丙舍圖次韻

白首歸來種萬松。原首句青山南指大茅峯。烟霞彩翠成千色。巖岫回環度幾重。第八仙都名迹在。萬家敵

地吉占逢。望雲未解宣風組。擁節思攜訪岳筇。手植喬林經歲月。躬親負土謝徒傭。邪卿石自生前立。邵

伯膏皆去後醲。再世同藏遵蓋祔。兩朝三命益銘恭。科名屢見孫枝發。節鉞頻聽鴈序隴。畿輔神君曾繪

象。甘泉賢母亦圖容。地靈精爽時歸鶴。樹古之而欲作龍。讀禮身常依石室。移忠助久勒金鏞。瀧岡舊德

書華表。堂密新陰倚美樅。舍築三年申永慕。墳加四尺更崇封。銜哀食尚辭鹽酪。賜奠天教列鼎鐘。帝念

荀何仍降勅。公于韓范合希蹤。北山衡宇還相望。東野雲龍悵莫從。展墓細尋枯竹徧。出山迴顧翠雲濃。清風大鳥應常駐。儉德羔羊是舊縫。弭節他時勤過訪。著書甘我老衰慵。五松深處容棲隱。高臥衰安又

一冬。

予僑居舊王府之五松祠。與公奇望街宅衡宇相望。

得吳太守階書卻寄。

圖賊籌兵仗筆端。故人憔悴乍遷官。山居不識干戈動。猶向曹南乞牡丹。

題胡玉昆

處士金陵名勝圖八幀。

鍾阜。

龍蟠依舊枕江湄。餘地何曾讓獬兒。紫氣消沈黃屋冷。荒谿人覓次宗碑。

牛首。

巋然天闕作南門。渡馬人知帝子尊。似此家居撞亦壞。千秋名讓謝公墩。

靈谷。

萬松陰裏聽泉聲。百級琳宮逼太清。不爲蕭梁延國祚。金仙閱世太無情。

獅嶺。

盧龍山險獅峯接。老鶴河驚鶴唳頻。三宿崖前公弼住。南朝此際竟無人。

江關。

潺湲一夜鎖江聲。雨宿風餐感客情。幾籠古書三尺劍。關胥誰識棄繯生。

雞籠。

四陵北去一成山。塔影湖光盡日閒。儒館傾積文物盡。癡雲只解護禪關。

石城。

百戰江山越霸基。嶄巖虎踞瞰湯池。須知一片降帆出。不及歸舟載石時。

鳳臺。

元嘉招得鳳皇來。此地青蓮醉幾回。近我生平讀書處。予庚子年讀書瓦官遺寺古城隈。

五畝園看罌粟花。

四山如畫獨登臺。衆綠成陰坐舉杯。花似文章摛錦出。人隨蜂蝶擁門來。隔籬野菜鎔金徧。積雨天光掃翠開。更有夕陽紅萬頃。儘教絕豔費驚才。

題國山碑亭圖。

趙大令曾攝荆谿。因爲國山碑作亭。搗本見寄。索句。

校官晚出天譏毀。惟有茲碑屹然在。東吳蹟古接秦漢。皇象書奇敵斯喜。我歸未買陽羨田。訪古不到西

山巔披圖細認善卷洞。識字重尋倉頡篇。唐侯仲冕風雅趙侯替。覆石作亭仍作記。封山昔聞孝侯至。廢

舍今同召公憩。吁嗟呼賞音人少誰來游。古文奇字空遺留。君不見會稽亦有孫皓刻。誤作窆石傳千秋。

今所傳窆石有天文玉石等字類天璽紀功刻太平寰宇記會稽縣引輿地記云禹廟側有石船長一丈云禹所乘也孫皓刻其背以述功焉後人以暗無功可紀乃覆船刻之字其船中折案即臨平湖有石函

刻字改天册爲天璽元年時所刻也

題姚方伯令儀秋山賭墅圖

不爲蒼生緩拂衣。家山九點望依稀。角巾使憶華亭鶴。此段知幾勝陸機。

錦江澄碧照清襟。畫裏秋山似故岑。謝傅竟須輸一着。身親破敵又抽簪。

門前穉穉碧雲稠。遲我升堂謁太邱。留得鑿楹書卷在。龍門作述有千秋。令嗣樅有橫雲山山人著述之志

問奇載酒日盈門。回首靈光幾輩存。我亦冶城新卜築。更無人賭謝公墩。

題吳君文徵所畫東方三大圖泰山東海孔林也

我官聖人鄉。觀禮至孔林。泰山亦三上。古迹親搜尋。徒持登萊節。未覽滄溟深。翻然憶邱園。聊此投朝簪。

吳君妙詞翰。繪事空古今。買權揚子江。來游北山岑。示我三大圖。燦若天列參。岱宗小齊魯。海若迷涯潯。

神哉奎婁野。千古奉德歆。我歸守書簾。欹枕落白蟬。爲山割雲壑。鑿水開蹄涔。甘與斥鷃翔。不慕飛鴻音。

齊物等鉅細。從俗聊浮沈。長謝斗筲畫。保爲雲霞心。

游仙詩

天賦恬愉適性情。不須辛苦待丹成。周家卜世空千古。只抵錢彭過一生。
玉樓成後急修文。禹篆周書半失真。我有綠章通帝座。神仙須用讀書人。
幾年都廁困劉安。雞犬升霄仰面看。未慣高寒仍倨傲。莫貪圭組作仙官。
剩有西王識歲星。清都逸事記三生。分明天上偷桃客。辟戟人閒弄直聲。
何曾符籙究真詮。不管滄桑有變遷。聞道昆侖多視肉。吸風飲露便登仙。
効召真靈盡渺茫。鞭笞鸞鳳太猖狂。神仙不作和平福。怨鬼終尋費長房。

題屠大令傳說詩圖

仙臆一夕下蓬萊。曾向鈞天醉幾回。珥筆詞人滿霄漢。祇今誰似謫仙才。
君由庶常改官。

弦歌聲裏自敲詩。況有匡衡助解頤。江左風流愁闕寂。看君壇坫接袁絲。
袁大令枚。

商量字字要吟安。漫問高岑與杜韓。我似江淹才盡日。避人詩債築臺難。

題三高士圖次王雅宜龍韻

何須烏盡始盟鷗。智可家謀爲國謀。霸越吞吳成底事。却教遲放五湖舟。
范少伯。

棲條何處擇高梧。客裏悲秋恨未舒。不是知幾聊適意。還山我亦爲鱗魚。
張季鷹。

泛宅平江趁好春。與君千載作比鄰。家祠在虎邱與甫里祠相近鬱林片石傳家在。莫羨浮沈宦海人。陸魯望

乙亥歲正月十日病中撰尙書今古文注疏成。因題元戴淳伏生授經圖。

伏生自有子。而使女授經。經簡出壁藏。口授其義明。光光廿九篇。在世如日星。我官聖人鄉。訪古近伏城。

元和郡縣志。陽穀縣。故伏城在縣東南二里。伏生所居。因以名之。鄒平墓空在。立後志竟成。宋明已來。設立五經博士。惟漢儒未有立後。

之。因咨會學使疏題請立伏博士。遂蒙俞允。手疏典謨誥。絕學矢畢生。廿年抱卅卷。閉戶期歸耕。病恐命不延。撰述起四更。窗

前雪盈尺。燭盡雞初鳴。展拜壁上圖。白髮撫自驚。我子長未齠。嬌女亦始嬰。但期守圖籍。勿讓智挈瓶。炳

燭吾自堪。且緩書納楹。

蔣大令因培官泰安。浚岱頂玉女池。得秦相李斯篆字殘石。見寄搨本。索詩。

空摹遺篆笑。申屠駟徐鉉。訪古輸君興不孤。一炬碧霞成瓦礫。乾隆戊午歲碧霞元君廟燬。或傳此石已焚。千年玉筍未模

糊。交希剩憶韓陵石。政美能還合浦珠。想見賞奇思勝友。先臨日觀望東吳。

題空山聽雨圖

石葉香濃出翠帷。簪花書好寫烏絲。早梅晴日閒相對。可勝西窗話雨詩。

蔬筍筵前屏舉觴。芙蓉湖畔理歸航。頻年已作浮家客。尙挈紅妝媿道妝。

韶光如夢去悠悠。莫遣春消夜雨中。我似維摩長病在。散花人近只談空。

題沈司馬

怨

所藏曹銳畫卷

曹死後王學博芭孫爲其擇塋以此畫作聘

荀令傷神感逝川。喬公遺蹟省他年。丹青便作妝奩簿。冰壁都成翰墨緣。古道自堪酬死友。壻鄉終竟遇神仙。來遲未覲青綾障。此客登堂亦憮然。時沈已悼亡。

洪太守

梧

汪太守

端光

招飲梅花書院。出九日行庵文燕圖索題。馬氏玲瓏山館物也。

竹西風雅思前輩。花下壺觴又一時。金粟尙留身後影。蠟梅恰放嶺頭枝。坐看玉樹頻驚老。歸啖鱸魚各恨遲。謝墅馬莊零落盡。幾人好古共襟期。

張太守

問陶

爲予題半身小影次韻答之。

江湖差喜一尊同。嬾聽高軒接鉅公。曾子不妨生蜀國。步兵原可號江東。頻來放櫂非緣雪。自欲收帆不問風。後世相知儻相識。莫因名位薄楊雄。

題廖轉運

寅

歸鶴亭次韻

長風萬里送歸程。逸翮曾經到碧城。拔宅去疑仙有分。橫江來應夢初成。雲龍亭後傳新記。清獻琴邊數別情。我亦邱樊思戢影。偶逢知己一飛鳴。

白桃花次韻

也從萼綠證仙因。好與梨花作近鄰。照水已非前度影。和雲莫辨去時津。嬾回素面朝天闕。罷舞霓裳對

月輪五日清風三日雨。爲他洗淨輓紅塵。

得周號叔鐘歌次韓昌黎石鼓詩韻

銘功彝器古人重。樂縣在御工升歌。八分改隸變倉頡。九千諷字存蕭何。茲鐘周餘出西號。如見禹鼎如
兌戈。輪困壓載力難抱。青翠入骨誰能磨。奇文可讀費講解。至寶偶獲非搜羅。昔聞西伯詢二號。奉嶂髦
士皆峨峨。雞斯贖罪入天府。鳳羽表瑞來巖阿。鑄金自欲子孫守。假器或恐神靈呵。周公尊師諡可考。銘

惠叔字當卽
號叔之諡

史籀下筆體不訛。畫沙分明爪落隼。懸針織瘦文成蜩。年深列虞想追蠹。響應建鼓爭鳴鼉。

區區後世弃車輔。縣縣伐國尋斧柯。百鈞重器土埋質。千年往事機投梭。可憐古樂盡弛廢。誰見端冕來
委蛇。尸臣鼎出問張敞。幼婦題後傳曹娥。我曾訪古入函谷。近復引疾歸江沱。家徒立壁似司馬。地剩片
石尋光和。江南古物
惟校官碑埋頭故紙獨扃戶。敗興歎歲仍催科。眼明一見徑須購。手拓百本寧嫌多。有情曾聞

泣金翟。沒字空復嗟銅駝。知音幸顧聲價重。妙製豈任烟雲過。攜歸宗祐世永寶。參校蟲篆朋相磋。升堂

似觀虹貫斗。渡水忽懼蛟興波。楚人得弓事偶爾。魯國取郟禮則頗。投珠匪暗庶得所。挈瓶有智期靡佗。

魏絳無功尙忸怩。展禽別贖難熾姍。土花未脫半湯滅。水墨不厭相揆抄。從誰廷撞發清韻。令我才盡猶

長哦。陳庭何必雒雄雉。出地偶復同雙鵝。有嚴在上翼在下。得純亡休福不却。銘有云嚴在上翼在下又
云得屯亡休降旅多福

琳琅金籀日環列。布素茅屋忘坎軻。家珍薦廟抵圭瓚。神物在世光山河。人生如汝壽堅好。百年過半非

蹉跎。

百節相招同石殿撰。編玉陳大守。澤借余燕集制署令公子出拜賦呈一律。

木天追步許題襟。江國開筵又盍簪。同向行臺看玉樹。忽疑芳燕到瓊林。傳衣他日爭先甲。聽履中朝有嗣音。星聚東南依北斗。好添佳話在棠陰。

臘月十九日爲蘇文忠生日。招集同人設祀五畝園。次集中游蔣山元韻。

文物開來者。神靈肯惠然。拜同庚子日。會仿永和年。鍾嶺尋游屐。秦淮記泊船。公集有泊舟金鑄金思少

伯。題象替青蓮。公有題太白真詩梁苑懷前度。前在中州節吳宮借左偏。五畝園在舊吳王府東猶龍歸上界。馭

鶴下層巔。福讓三生慧。廉陳一勺泉。九州知誕日。千古惜生天。手筆期同輩。心香結篆烟。高寒回望處。玉宇月娟娟。

贈張生。澤次許漕督。兆椿韻。

爭名何必向長安。湖海才高著眼看。文舉再生應爾薦。邨超一到令公歡。翹材得似平津少。行路休嗟鮑照難。脫手新詩勞贈我。有人擊節欲傳觀。

花外山光柳下風。扶輿處處得君同。飄零未必才空老。漫滅何妨刺鮮通。問字踏殘庭雪白。論詩敲盡燭花紅。休嫌仲蔚蓬蒿徑。自有高軒接鉅公。

江光一綫閣次姚比部韻

翠微一徑入雲斜。極目東南未有涯。江水白添連夜雨。嶺梅紅似半天霞。何年蘭若迷陳井。烟脂井宋人謂在法寶寺終古青山屬謝家。過眼韶光天愛惜。春寒留住十分花。

秋郊口占

未成邨落兩三家。古樹霜寒立暮雅。不信秋風最蕭瑟。蘆花起舞學楊花。

唐太守仲冕石殿撰韞玉先後假館五松園有詩贈予次韻答之

未到縣車便乞身。抽簪猶惜鬢霜新。問奇不斷門前客。投轄常留坐上賓。小築數間同傳舍。一年幾度值花辰。故交多占夔龍席。贏得江湖與散人。

霜葉多時戀故林。雲羅何處網翔禽。眼看弱柳風流在。坐蔭長松歲月深。庾信小園聊獨樂。杜陵廣廈負初心。落英芳草門前路。平世桃源任客尋。

一徑留莎滿客廳。幾人看竹問居停。已憑鍾阜爲圖障。直借青谿作釣汀。攬轡未酬宣室問。還山不負草堂靈。狀元坊謂石琢堂與文翁室謂唐陶山江左他時說聚星。

二頃何曾作遠謀。營巢應笑拙於鳩。圖書清闕蕭閒坐。花月春江爛漫游。賺我名同殘夢過。報君詩媿夜光投。到門一派春淮水。有約攜觴共拍浮。

五畝園落成口占十二首。

小芍陂。

芍陂浩千頃。一壑不嫌小。我無澤及民。灌園以終老。

蒹葭亭。

露白葭蒼際。斯亭面碧潯。無人見高潔。一鷺下波心。

留餘春館。

婪尾紅初綻。成陰綠未齊。春光無限好。留地種醪醅。

廉卉堂。

唐太守仲冕題額云。辛未之歲。淵如觀察歸自東省。定棗蕭然。不受屬城饋贖。越數年。樂易之德。多寄土物。因以曹南牡丹植於後庭。爰取鬱林廉石之義。以署其堂。且勉後人。思忘清白。無之傳。

移來深色花。臣門忽如市。方媿載石人。空齋一卷峙。

枕流軒。

松際濤聲遠。荷閒露氣侵。尙嫌泉聒耳。止水照清襟。

窺園閣。

五畝興公宅。三年董相書。黃金花色裏。樓閣是仙居。

蔬香舍

拔葵箴俗吏。種菜惜英雄。我愛齏鹽味。歸應爲晚菘。

綠斐茨

就竹架南茨。臨流開北戶。遠客屢移牀。此君常共語。

映雪亭

臥閣三冬嬾。凌寒一卷開。花光兼雪月。併送夜明來。

鷗波舫

烟水橫窗遠。江湖入夢回。觀魚猶罷釣。鷗鳥莫相猜。

奧室

花好迎冬旭。衣須振俗塵。任教霜覆瓦。寒谷早回春。

嘯臺

四山如畫障。萬綠見橫枝。嵇阮無仙骨。蘇門獨往時。

孫淵如先生全集

冶城絮養集卷下 芳茂山人詩錄第七

題羅山人聘爲予寫昔夢圖十幀

含飴夜課

乾隆十八年癸酉歲九月甲寅。余生於常州郡城之觀子巷。今劉氏宅也。時家大人以四月入都。大母許太夫人故守節撫孤。及得孫。愛憐特甚。五歲入塾歸。太夫人必篝燈課讀。母金夫人紡絲其側。比家大人歸。已九齡矣。

烏夜啼。香柚樹兒抱書來塾師處。阿母視兒衣。老嫗問兒飢。兒就大母牽裾嬉。大母勸兒書再續。一錢買豆十回讀。書聲紡聲燈一粟。鄰雞欲鳴更漏促。父歸識父兒九齡。背誦文選留賓聽。

山夕酬詩

歲乙未。予始偕室人王夫人來句曲官署。屋前有喬松桐桂。秋宵論史。燈月淒清。夫人有詩云。五更殘月欺燈影。一樹風鴉續鴈聲。子訝其慘切。遂成詩識。

煙霏霏。露暉暉。月出桐柏光入幃。幽人對吟病妨冷。柏子蕪香桐淪茗。開書瘦脫玉釧聲。背菊慵垂翠鬢

影錦衾薄。牛衣似酌酒。屬君還論史。王章之妻兒。女子何事干。卿三歎起。事見袁太史枚所撰志銘。

地肺尋碑

句曲學舍去茅山三十里。曾借錢少詹。大昕訪求古碣。復與洪孝廉。亮吉信宿山齋。中宵賭酒

中峯。或冬月解衣入蓬壺洞。行數里。深不可測。燭盡而出。同人訝之。

弱齡頗好道。慕有龍仙芝。勾金之壇間。神仙所娛嬉。天風吹衣雲繞足。洪厓拍肩同信宿。宵攜酒榼上頂峯。冬脫裘裳入幽谷。初成兄弟去不回。越翳之穴迷蒼苔。山中宰相充隱耳。不識梁武非仙才。地肺玲瓏似堂密。我欲南穿洞庭出。龍威祕符不可得。洞口題名土花蝕。

采石同舟

采石有絕壁。大書珠聯璧合四字。俗傳是李白崔宗之醉月處。歲丁酉。予與洪君。亮吉客安徽。學使幕中。登黃山白嶽。上天都峯。熟游青山白紵之間。釀酒太白樓前而返。

我游皖公山。直造天都峯。萬松偃蓋石鑿空。鋪海千頃雲溶溶。琴高溪淺魚可數。八公山空鶴唳苦。就中秀異不可忘。白紵青山熟游處。江光接天一葉舟。東山月出同拍浮。竹君學士文章伯。想像高樓醉佳客。洪生當杯感陳迹。我亦題詩臨絕壁。江山如此不逢人。酌酒大呼李太白。

漢宮訪古

歲戊戌至甲辰。入關七載。值畢中丞沅開翹才之館。著述之暇。與諸名士出遊曲江樂遊原。訪漢長安古城。所得瓦當文字奇古。程上舍敦嘗鎔錫印沙。釋錄成書。流傳海內。

阿房一炬成焦土。金銅仙人泣移處。長安所遇故物稀。片瓦千年出荒圃。秦宮蘭池漢未央。蕭相手迹珍琳琅。宣和好古惜未見。不與什襲千金裝。漕渠斷絕昆池寒。惟見高原劫灰黑。路人但拜蝦蟆陵。萬戶千門豈能別。君不見銅雀瓦如沒字碑。臨春結綺餘陳泥。世人知寶宣德製。今所傳未央瓦如瓦形者。明宣德時偽物。魚目混珠。吁可悲。

龍門題壁

癸卯歲北試下第。自晉入秦。偕仲弟星衡登井陘。歷三天門。訪絳州石天尊象。碧落文不得。遂登龍門。渡河之韓原。仍至長安節署。

連山插天松挂壁。竟夕風颯蕩心魄。起登絕頂看黃流。雄雞一鳴日丸赤。循厓謁廟歎禹功。斧鑿何處施神工。馮夷都深數十里。萬丈蛟龍蟠水底。有時發蟄一聲雷。多少凡魚欲飛起。渡河展拜司馬墳。如我壯游曾幾人。君不見天池鯤化搏風雲。濁河如帶難容身。

蓬島游仙

予以丁未科及第。入玉堂。校中祕書於西苑之文瀾閣。旋以散館。改官比部。張檢討問陶贈予

詩有云。十二瓊樓無定所。神仙何必住蓬萊。

我昔飛步蓬萊巔。玉樓落筆驚人天。綠章一夕奏奇字。仙官不讀南華篇。剛風吹墮白雲裏。郎位哀烏冷如水。有時呼吸帝座通。謫來猶在天九重。銅頭鐵額頑仙宅。偃月堂開手堪炙。招之不來肯屈節。揮手爛醉長安陌。浮雲蒼狗倏變遷。我亦夢醒辭鈞天。青霄冥冥黃鵠舉。釣竿東去迷烟霧。回視蜃樓小一漚。散仙更有逃名處。

五臺省謁

乾隆五十七年。西巡之歲。予以尙書郎扈從。時家大人官河曲令。治道臺懷。省覲于清涼山麓。自奉大母及母入都就養。不見家大人六年矣。

長城北去山極天。千乘萬騎來駢闐。巉巖無路自終古。人力要令石戴土。山環谷轉如平野。鞅掌無時得休暇。征夫心動馬回頭。遙見白雲親所舍。循陔何日歸採蘭。翻累俯畜羅晨餐。夜深去就氈帳宿。起訝瓊瑤照巖谷。雪花如掌作陽春。石隙桃林紅萬簇。時三月大雪。桃花滿山。琳宮高下香烟生。天清地曠山空明。黃衣之僧占名勝。白屋無地屯耕氓。似聞北臺尤斗絕。太古常留丈深雪。我疑此處有仙真。可惜前人無轍迹。

書堂問字

予始僦居琉璃廠橋之西宅。前有大樹。海內之士。賞奇析疑者。咸識其居也。後移寓孫公園小

拓室宇爲諸名士燕集之地。每歲朝鮮使臣至，必款門投刺。朴卿齊家爲予書問字堂額。又大書崔儻語云：不讀五千卷書，毋得入此室。

琉璃廠西青廠口，塵鬻圖書街。尊卣十丈紅，飛過客塵。一株綠認先生柳，高冠褻服來叩門。登堂畫字口不言，愛才異域且同志。豈有文譽雞林傳，異書海舶有時出。不似大航留僞帙，開成石刻贈殷勤。要使薄海尊經術，興來落筆蛟螭翔。五千卷室崔儻藏，似聞比歲朝天客。猶訪當年問字堂。

孔林觀禮

甲寅歲輯古文尙書馬鄭注成，企想前哲，有執禮器西行之夢。乙卯歲六月，遂拜堯沂曹濟道之命，展謁孔林，得見公府所藏宋元冠服及御賜彝鼎，良爲多幸。

昔夢執禮器，隨聖東山行。豈知奎婁宇，外補來建旌。升堂不覩丹書字，慙誠卻媿鍾離意。前朝袍笏舊留遺，昭代鼎彝新拜賜。草草三年政未成，再過聖域心怍怍。微言欲絕後生責，手撰集語酬神明。宋薛據孔子歲刊成寄聖公慶鏞

題吳君文徵爲予畫江湖負米圖六幀。

萬卷歸裝

嘉慶丁巳歲，予丁母艱，歸自泲上，但攜故書數十篋。時值湖河合流，渺漫數百里，大風一日夜。

從舟相失。予翼母柩在舟。舟人惶急禱祝。予怒曰。人以重貲獲濟。我乃以書遭神忌。不畏請於帝耶。應時風止。而書在他舟者。竟沈濕。或云聚書易散。且致火患。此可壓勝矣。

行李蕭然。歸泛濟。數十篋書而已矣。路人方笑使君貧。河伯忽然疑慧首。前舟風引覆水涓。後舟搖蕩不可維。千金欲奪子羽壁。六丁不護瀧岡碑。一波未平一波起。河湖合處深無底。大呼幾欲徇機輿。萬里長風應聲止。歸來檢點空嗟吁。卷帙散亂文模糊。或言藏書之家例遭劫。此物落水長無虞。君不見鬱林石時苗贖。廉吏儵然本無欲。人生耆好盡爲累。萬卷歸裝不知足。

巫門訪墓

吳將孫子武墓在吳縣。見劉昭注郡國志。引皇覽。元盧熊府志。謂在永昌鎮。至吳郡志失載。後人遂不知其處。嘉慶庚申歲冬。予偕董文學國華家茂才延買舟訪墓。至巫門外。地名雍倉。得古冢。有柏樹甚古。土人呼孫墩。惜無碑識定之。越七年。乃建祠虎丘東麓。立碑塚象云。

吾家吳將高絕倫。功成不作霸國臣。春秋三傳佚名姓。大家却在吳東門。吳人耕種少閒地。訪墓雍倉一舟繫。變環惟見古柏存。徧覽平疇失碑記。傳家私印不可磨。家藏孫子銅印。方不及寸。文云孫武私印。闔閭家側祠巍峨。武成王廟廢不舉。東南淫祀何其多。君不見烏喙之鄰施開謀。內嬖忽然消霸業。西施可惜入宮遲。不付將軍教兵法。

青谿卜宅

予以丁巳歲歸南。僑居金陵舊吳王府。有古松五株。因建祠祀明功臣燕山忠愍侯。諱興祖。侯故祀雞籠山功臣廟。歲久傾圮。今粟主附祀曹王廟。至是始申明有司。建立專祠。

古松五株何代遺。後映鍾阜前青谿。迤東傳是江總宅。吳王苑近烟波迷。卅年作宦徒立壁。垂棗仍爲白門客。戶多車轍似充隱。家近吳頭常泛宅。松濤聲起萬壑喧。石骨疊作羣山根。清池觀儵竹籠鶴。風月滿院看常新。主人再歸甘蠖伏。賣文得錢還潤屋。佳賓時至與懸榻。俗客若來從看竹。碧玉水生新漲痕。黃金花放陽春暄。校書更上三層閣。載酒仍過五畝園。園在祠右。

禹穴探奇

歲庚申。予主講浙東之蕺山。恭謁禹陵。並游吼山諸名勝。考張晏注漢書。稱禹陵上有孔穴。則卽今陽明洞。後人誤以廟爲陵。明嘉靖間。閩人鄭善夫。妄指向西之隴爲立碣題識。不經之甚。予既據太平寰宇記知窆石爲孫吳刻。擬作記辨正之。

我曾壯歲登龍門。直過中年探禹穴。中間作宦苦羈束。日月眞如電光掣。龍門壯哉比大文。禹穴秀絕如詩人。竭來謁廟有神助。雨腳收盡開朝暉。是日甚雨。發岸忽晴。陽明之洞臨絕壁。正對香爐一峯碧。遊人不識孫皓碑。誤向石船呼窆石。今所傳窆石文字。如天發神讖碑。據太平寰宇記考爲孫吳時刻。會稽之刻久失真。梅梁改易新撩禁。時正廟。閩人題

碣最誣罔青鳥之說遷古墳向平好遊尋宿諾杖策更須窮五岳君不見虞巡那得至衡山我欲題名上

南霍

唐虞時南岳霍山在今安徽省尚書大傳諸書皆云然今以衡山當之太遠

延陵話舊

予與同里諸子交洪編修亮吉蹤跡尤密嘗以詩贈予云偶讀開成大傳詩七年我亦長微之

又云神仙共挂蓬萊籍風月閒吟楊柳枝其後竟同入翰林比戊辰歲從山東假歸洪自戊所

回里與諸同人多文讌之樂

青山莊廢花石移白雲渡近烟波迷素交重訪半爲鬼黃壚一醉曾如泥生平畢竟懷知己故土風光冷

無比蔣公

蔣侍御和寧

三徑罷開筵楊子

楊大令倫

元亭空故趾魯靈光有老探花

趙觀察翼

論詩勘史逢人誇仙姝夜

醉劉晨

劉中贊種之

宅食譜朝尋朱亥

今中丞朱方伯勳

家翰林仙人狂欲絕

洪編修亮吉

自把孫洪比元白五雲同看

御園花萬里獨踏天山雪近來所遇多後生相逢不識空知名西州再過有餘慟東山中歲難陶情老去頻思釣游處晨星舊侶驚重遇莊周

莊刺史炳

曾夢胡蝶回趙壹

趙司馬懷玉

漫嗟窮鳥賦

湖樓話經

阮中丞

元

既延予主講浙東復建話經精舍於孤山之北集諸生之高才者講學其中屬王少

寇

租

借予迭主授經之席精舍前有第一樓當湖山勝處予以鄭氏集經訓之大成許叔重存

三代之古字。議立主祀之。

第一樓頭撰經詁。正對湖山最佳處。中丞開閣思翹材。招我來游浙西路。樓旁許鄭新建祠。壓倒白蘇空賦詩。湖光欲入子雲室。山翠自擁江都帷。淵原更溯朱公叔。先是朱文正提學浙中。多識拔古學之士。海內傳衣盡名宿。萬間常比士歡顏。五色不迷文過目。幾時華屋悲山邱。王通王少寇視近又下世示疾還歸休。中丞移節阮中丞旋改京職我隨牒。癸亥年赴補東省山翠湖光空滿樓。寄書碧洛青嵩去。中丞今撫中州衰病憐予北山住。予近主講鍾山堂前問字少人過。自檢圖書理殘蠹。

題吳君文徵爲予畫海岱摹帷圖十幀。

東緡訪古。

漢平狄將軍朱鮪石室。在金鄉城北。有畫象奇古。予官涉上。每歲防河曹單。過此摩挲故刻。搨本藏之。後爲黃流所漫。舊迹都湮矣。嘉祥又有新出武氏祠畫象。及肥城郭巨石室。皆與黃司馬易親至其地。

扶溝侯墓漢石室。畫象猶留古人迹。黃丞好事導我游。武氏祠碑更新出。我來行部攜桑經。詢訪古跡驂常停。車前八驕豈足慕。碑下七日難忘情。篋中墨本神明煥。再來已值黃流漫。千年邱隴道旁迷。咫尺滄桑眼中換。君不見桓魋石椁誰與題。南山雖鋼無人知。昭陵發後蘭亭出。翻作佳話千秋垂。

南樓卻扇

竟郡南樓爲杜子美趨庭之地。乾隆乙卯歲之官。明年爲族妹與吳孝廉彙成昏於使署。妹貧。隨叔父流轉至都。幾爲貴人筮。予擇才士許嫁焉。大母愛其姿質。收養之如親出。吳時方北試。越五年入翰林。

南樓雪霽月挂空。梅花翠羽熙春融。華堂屏開感婚夕。畫戟四照明燈紅。鳳皇樓峻遲回久。婿鄉合有神仙偶。不是相攸溫嶠才。可憐幾似韓憑婦。我知季重殊常倫。早年下筆驚淵雲。催妝詩寫簪花格。織錦梭投綴玉文。匆匆又值春官試。太白樓前送征騎。將離花下別中閨。遠志書回仍下第。記取盧儲一日知。杏園春信未嫌遲。爭傳北闕凌雲賦。莫忘南樓卻扇時。

單父塞河

乾隆丙辰歲六月。河流漫溢。豐縣決口。單父河隄亦壞。予偕康廉使基田建議隄塞。築壩長數里。遏絕大溜。三日夜功成。費銀三萬兩。復立重隄格隄。單邑河患自此不作。自經河決。未有遏

止者。大府以下游江南潰決。未及上聞。康廉使記其事云。乾隆丙辰六月。山東單縣北岸黑龍潭。夜間猝遇大水。漫隄下注。決口二十六丈。外灘低河

身三丈餘。水奔騰直注。濤聲雷轟。聞數里外。時基田與兗沂孫觀察星衍防河。決口水溜不能施。工乃從河灘水淺處。圍築月隄。長四里餘。盛夏舊稽料用完。新稽未登場。乃伐近地柳枝。買

民人麥秸。剛柔相間。用土追壓。從西首鋪進。收至東隄。三晝夜鋪竣。河水不得進。決口斷流。轉敗爲功。

東南比歲黃流溢。疑有陰權蔽天日。豐工已見大隄開。單父懸流亦遄疾。黎明東望黑霧屯。倏忽破岸同崩淪。青嶠已隨鮫室沒。赤子盡戴魚頭奔。東方廉使王尊似。借我行河到河汜。直憑身手障狂瀾。並少蘆灰止淫水。芻茭未積勞輸將。負薪擔土同奔忙。填淤淺處到深水。擁遏兩岸臨中央。地軸如山萬夫下。虹梁欲叱龍羅駕。滄海爲田只片時。黃金與土真同價。眼看轉敗還成功。古來趨事須和衷。君不見帑金虛糜七百萬。隄寒不就嗟曹工。曹工合龍卒不成。明年河南決溢。乃得築隄。時謂打乾口。

泰山祈雪

東省無冬雪。明年多蝗蝻之患。予權臬時。以丁巳歲二月。禱雪泰山。及罷任回兗州。道經山麓。時已三月。一夕得大雪。疑有神應云。

我從歷下歸東魯。龜山蔽天手無斧。一冬無雪蝗孽生。記禱靈山謁神宇。泰山初登高不危。如人大度無町畦。山長谷迴地勢闊。雖有邱壑非險巖。漸轉還如蟻行磨。一石千人萬人坐。石坡誰刻釋氏文。欲使谿流誦聲過。一重一掩路折紆。入峽似入壺公壺。豁然開朗見天日。疑出人世遊仙都。石梁臨潭倚絕壁。瀑布飛來徑途絕。回頭卻認琴筑聲。空谷滴泉鳴石穴。萬松對面隔一山。蛟龍動影雲霄間。南天門高高幾許。輿夫蟹行馬蹄苦。金泥玉檢竟沉埋。沒字碑橫最高處。再來山下空褰帷。雪花一夕凌春來。隔年祈澤若有應。信我人忌蒙神知。看山憶舊匆匆去。回望齊山在烟霧。莫教潔白太分明。半壓黃塵半遮樹。

曹南樹碑。

歲丙辰行河至曹縣。訪得湯陵在景山。卽皇覽稱漢御史卻長卿所見濟陰湯冢也。後世誤在榮河。旣移咨山西謝方伯。啓昆辨正其事。因議貲修廟。越八年。復以參藩莅東。而竟沂魏觀察。成憲已爲置祭田。修整祠宇。予爲立碑。又嘗親訪魚臺伏羲陵。今亦誤祀陳州。惜未請之于朝。釐正祀典。

涉陰薄縣殷王畿。河流橫隔故迹迷。漢臣行河得湯冢。榮河之祀真傳疑。我來芟舍曹南憩。徧覽川原求古記。微鄉微子冢難識已氏伊尹墓。荒景山陵亦如平地。手題貞石爲勒名。恍有夢寐通神明。魏君後至幸同志。爲置祀產修軒楹。君不見伏羲陵在鳧山麓。宋刻元碑尙堪讀。豈知今亦祀陳州。祀典誰釐與當軸。

鄒平立祀。

水經注載伏生墓在東朝陽。卽今鄒平之冢。予權臬東省。以伏生傳書在秦漢絕續之際。議爲建立博士。訪其後裔宗譜。申上之。竟荷俞旨。有漢一代之儒。始有列于世家者。惜爲鄭康成請立。竟格于部議云。

伏生之書藏屋壁。晁錯寫時幾朽折。當時或使女授簡。豈有經文口傳說。承家理湛俱通經。千秋冢墓留鄒平。聖門子賤本華胄。見顏氏家訓。東州不鬪馳賢聲。元明耳食未聞道。經義猶循安石造。南宋諸儒注經多用王安石新義。多

灑洛關閩博士多。漢儒未食傳經報。我來權臬始發端。撫教後裔屬長官。竟申政府荷俞旨。得有世祿傳淵原。十年更撰尙書疏。先哲還從夢中遇。尙嫌科斗變今文。敢後先秦求訓詁。子撰尙書今古文注疏多用漢魏已前說。礪阜吹沙漸欲平。遙瞻高密不勝情。禮官不問有培柳。東省近立有子博士其譜載有培柳有培梅爲漢時有氏後裔並無出典容璽竟未駁斥。外臺誰奏鄭康成。

濮陽芟舍。

嘉慶癸亥歲嘉平月。再至東省。奉檄補賑曹南一路。涉歷冰雪兩月。魏觀察成憲贈詩云。義陵湯冢考原真。行部重來鴈澤春。別有蒼生迎馬首。揚碑人與賣書人。蓋戲之也。

我從涉上至濮陽。跋涉原隰凌冰霜。鳩形鵠面繞車轍。升斗未徧無餘糧。頻年買穀無長計。東省穀貴常平倉久未買補眠多折色不敷穀價。倉困空虛折錢幣。可憐滿把不充飢。誰省災黎更憔悴。我從補賑聊從寬。明知多弊覈實難。中臺未絕胥吏費。外省祇增供張繁。君不見汲長孺。河內發粟不取旨。又不見劉思立。請廢賑簿停詔使。魏君作札還相狎。譏我沿途購書帖。虛名或恐誤蒼生。善政誰知困成法。

臨河訪古。

博平有鳴犢河故道。地與齊趙分界。卽孔子臨河不渡處也。自河漫濟瀆入海。通流至此。予以甲子歲春之安德任。經過其地。有句云。河水又通鳴犢口。春江不作狎鷗人。時兼攝登萊道。又

有句云。三篋古書隨後乘。一雙金印在前驅。

狄水揚沙壞舟楫。臨河昔畏波濤急。千年水徙鳴犢漣。幾時又見奔流入。博平境小齊趙分。我行至此思古人。宣尼憂患尙不免。宜我坐席無時溫。頻年南北東西走。捧檄裁沾祿升斗。勞薪愁過漢金隄。泛梗揔愉齊土偶。移文慚媿出山阿。北上租船又納禾。未信澄清由攬轡。可能撫字緩催科。

衛水浮碑。

既官安德之明年。有告衛河第三屯。出有古碑。往視爲北魏營州刺史高貞碑。中有載卡字。不可識。予審卡卽弄字。因爲移置州學。高氏族葬在此。先出有高湛高植兩碑。湛碑楷法工致。藏安德封氏。

高家兄弟椒房戚。大家難防水衝擊。馮夷知我好古碑。夜半浮出長河湄。畊氓見此驚告我。往視如獲瑤瓊瑰。碑中奇字頗難識。賴我能通六書說。文初變楷帶分隸。石幸埋沙未剝缺。千夫邪許移入城。橫舍立處高崢嶸。流傳墨本徧寰宇。考史共記高貞名。八年濟北燕南住。善政應慙頌來暮。後人或比峴山碑。憶我摩娑不能去。

潞河訪廟。

予每歲轉運北上。泊舟潞河之側。通州元已前無城。自予十五世從祖。故明功臣燕山忠愍侯。

與祖始築城鎮守。舊有勅建廟祀。配享常開平王。後改關廟。方志載有正統時王植碑記。今不可見矣。

我遊河朔先訪古。每歲維舟潞河漕。河西元代未築城。燕山征虜於此停。侯爲常開平王。副征虜大將軍。金湯保障民載德。廟食曾配常開平。可憐故址難重識。斗母宮還委榛棘。方志云。廟即斗母宮。舊城尋徧東南隅。不見殘碑署王植。金陵亦祀明功臣。惟侯肖像猶生存。明祖建功臣廟于雞鳴山。聖功雞鳴山基亦荒落。栗主寄食曹王彬。今功臣木主寄曹王廟象不可見。我營家廟溯初祖。後倚鍾山右王府。吳松祠祀忠愍侯在舊吳王府。申詳有司查題。他時或仗子孫賢。廢祀通州再興舉。

題吳君文徵爲予畫歷下甸宣圖四幀。

明湖餞別。

嘉慶丁卯歲夏六月。權藩至歷下。與石廉使韞玉交替。偕周通守世錦。周大令雋。蔣少府因培。餞別於惠泉寺。寺臨大明湖。在歷下亭之東。山光水色。殊爲勝境。各爲詩紀事云。

歷城滿地伏汾泉。大明湖在城中閒。鵲華照影秀欲絕。蘆蒲拂浪鳴翮然。行廚草草非難致。半日開筵坐蕭寺。地勝看山憶故山。心清省事如無事。曼卿天人謫世間。判筆不抵民情奸。藩條一攬等失馬。蓬島再入同登仙。周郎清興蔣生筆。且共尊前會真率。陳君且莫問三空。京兆只宜留五日。

龍洞探奇。

去歷城四十里。有龍洞石壁。奇絕。或如累巖。或類削成。方秋。霜林紅翠。若錦屏。徑窅深泉。流作琴筑聲。又十里餘。爲佛峪。多六朝刻象。古洞有隨唐人墨蹟題字。予凡三至其處。所見關洛江浙名山。無過之者。

我游龍洞驚奇絕。畫不成圖口難說。名山踏徧孰比方。仙境入來疑隔別。初循仄徑如桃源。石上漉漉鳴清泉。前山引勝後山阻。千回百折依螺旋。是時十月楓林赤。花錦屏開照空碧。側厓銜日半規紅。絕頂留雲一層白。萬山斧鑿痕從橫。一石壁立由天成。或如削方或重巖。岌岌欲墜風雷聲。綠山有穴入復出。倏見飛仙上空闊。遙看老鶻避峯巔。誰置浮屠臨木末。前頭更有佛峪深。隨唐題字重搜尋。橫空結屋玉京闕。沿路飛瀑瑤琴音。生平苦戀山水窟。三宿難留意超忽。茲游猶恨未懸車。我欲移山向吳越。

安德行河。

漢屯氏河。卽今衡水。其支流北通王莽河。經德州至海。豐鹽山入海。歲久淤塞。臨清上游漳流漲發。汶水低弱。輒閉閘以防挾沙淤運。糧艘不得出口。謂之捫口。自予建議重浚恩縣四女祠支河。洩流入海。捫口之患遂絕。直省靜海一帶隄岸。亦不至決溢。時以權藩巡工安德。

禹河故迹屯氏存。支流迤東經鬲津。燕齊錯壤水利廢。近海略見溝通痕。老黃河身今占種。民力難資官

屢空四女祠前舊道湮。臨清閘外新沙擁。衛流高處汝流低。濁漳合之五斗泥。挑沙放閘豈長策。糧船不出丁嗟咨。我來議浚申前詔。故大學士劉文正統勳昔奉旨會直隸東省挑浚支河。洩水先從下游導。萬夫合作不經旬。千艘遊行奏成效。前年度地雪盈尺。今年巡工雨沾幘。不辭櫛沐至再三。況復旬宣有專責。君不見趙王河。我曾議浚謀孔多。消疏濟運究何日。一雨沛上積潦傷田禾。沛上趙王河久湮。每夏雨潦淹浸。田禾且恃以濟運。屢議浚。不果。

賓興得士

丁卯科鄉試得士有文登畢君。以田。經學無雙。畢故與予舊交。負重名。久困場屋。姚殿撰文田以對策賞拔之。予時權藩主鹿鳴之宴。以爲佳話。

大羅天上几筵張。萬條紅燭輝相光。龍迎雷擁聽名姓。蕊珠仙籍鋪中央。一聲堂上都傾耳。莫省裴頭與黃尾。孤寒平地竟飛騰。聞呼畢卓真名士。我希開閣平津風。稷下髦士來追從。春花雖多秋實少。百樹期收一穫功。元之拾才有神識。倒海求珠山剖壁。目迷不失李華文。心賞獨有劉蕢策。明朝桂苑歌霓裳。星攢多士雲龍翔。座中方伯喜欲狂。吾道東矣生升堂。

得兮中。義仲省文。所作已白。紀伯省文。鐘次蘇文忠石鼓歌韻。作詩紀之。

陶唐推律正。建丑磐擊后。夔瑟瞽叟。見呂氏春秋。笙鏞閒作和人神。金石諧聲感飛走。五鐘見尙書大傳。難覲失先型。二典猶傳在人口。周家考工重稽古。義氏世官宜有後。省文兮中義仲同。銘字庚庚得三九。銘云兮中作大莢鍾。

其用道孝于皇考已白用侃喜前
文人子孫永寶用享凡廿七字
前追史籍失斯喜後歷邈隸輕顏柳推求銑舞合古度夾鐘辰應卯值

斗購之不惜金滿籩餉我還同印懸肘平生耆古比昌歆真贗從誰別苗莠或疑已白卽紀侯大去國心

存孝友春秋繁露玉英第四齊將復繼紀侯自知力不加而志距之故謂其弟曰我宗廟之主不可以不

死也汝以鄙往服罪於齊請以立五廟使我先君歲時有所依歸率一國之衆以衛九世之主襄

公逐之不去求之弗予上下全宗季弟遣微子舒難賢臣無鬪穀金壺注誠慎駑馬鐵書遺文見科蚪文

同心而俱死之故謂之大去

人追孝用侃喜子孫永寶祈明者世衰宗器詎長保鄭國鼃嘗晉葵嗾當時神物避兵燹出土奇珍奪尊

卣邨夫野老不識丁熟視離婁等朦朧強尋韻字作皇辟偽造禹迹迷响嘯我營居室先宗祧追遠猶慚

德歸厚千年至寶人鬼歆再拜陳辭嗣孫某銅山金穴豈足恃過眼烟雲化烏有不須什襲飾金玉亟與

特懸求考柎楊雄博物習雕蟲宣聖考文窮畫狗見說文邇來解組作寓公已免漂梗思土偶抱之肥遁老

空谷藉校古書期皓首露盤金狄本沒字僮父遇之從折掎尸臣官邑張敞釋郡國鼎彝汶長取光浮紅

翠欲成虹質帶泥沙先刮垢升堂便作分器陳傳世方期挈瓶守施諸猛虜震橫越細認追蠹未消朽吾

翁瞿鑠近九旬進爵摩挲旬眉壽

張君開福從海濱得吳天紀輒贈予卽次來詩韻答之

聽雨愁風臥病時經旬不出董生帷逢君楚尾傾程蓋餉我吳軛勝蜀師亦甄名或云蜀氏兩世交看陳紀在

予與君父百城書守晏嬰遺六朝古迹期同訪一路春花趁好姿

孫淵如先生全集

冶城遺集一卷 芳茂山人詩錄第八

題溫忠烈公瓊遺象

孝非絕裾。忠同銜須。緊母之訓。爲臣之模。國亡家亡。光光司李。血書千言。脫屣妻子。易名奕禩。詒謀一經。無忘清白。尙有典型。

蘇文忠公壽讌詩。在西安畢督部沅署中作。

公昔手題太白真。我亦題詩爲公壽。乾坤茫茫替人在。各有浮名挂星斗。河間開府雄文章。爲公生日羅清觴。滿堂賓從盡賢士。就中有客如公狂。公神猶龍去天際。畫手思公會公意。闊達修眉一尺頭。胸中尙鬱如虹氣。吟詩作賦亦偶然。有時彈冠復挂冠。口生不負范滂傳。恥與俗士相周旋。秦中舊是公官處。八觀蕭條散風雨。東湖一片月如煙。披髮騎鯨尙重遇。我家陽羨公所棲。慷慨自賦除年詩。江文通筆竟誰授。紀少瑜夢疑吾私。生年三十弄鉛槧。不及秦黃媿生晚。詩成一笑公可聞。復恐來者思今人。

試香。

辟寒簾底漸氤氳。石葉拈來取次焚。銀燭暗隨灰一寸。繡衾虛借煖三分。離愁似爾都成縷。幽夢從他欲

化雲曾爲如蘭人坐對錦裯幾日罷重薰。

對月。

隔簾當戶最含情。半掩燈明半鏡明。一度落如人小別。暫時圓比夢難成。空階霜葉時成響。虛牖風琴自作聲。惆悵尊前邀不得。關山如此又孤行。

六哀詩。

黃仲則少府。

我識黃郎最少年。典裘一賦正翩翩。花裁險骨須輸俊。鶴比天姿合遜妍。尙訣巨卿真死友。予在安邑遇君病甚劇不辭阿鬻竟神仙。方城一尉猶難得。君時尙候銓可有科名到九泉。

馮康齋廉訪。

升沈官位憶馮唐。識徧長安賣賦郎。同輩方子雲汪容甫洪稚存楊蓉裳諸君皆君所識獨好著書逢客諱。自耽名教愛人狂。武昌魚好廉寧食。安邑肝多惠豈忘。君前攝常州太守何處遺孤啼素舸。恐無琴鶴換歸裝。

朱軼源學博。

少日逢誰眼最青。句容博士老明經。袖中詩去琅琅誦。座右書來字字銘。別後豈知年在已。死前空想室添丁。君詩有野客年衰懶算亥空庭花發望添丁之句竟以死後得孫傷心兩度滌陽過。腹痛何曾奠綠醞。

程魚門太史

來是單車去一棺。秦關西望恨漫漫。遺書避債臺中著。斂骨翹材館裏看。太史卒在身山中丞節署死有孝標能念防。

謂中丞生憂僕射不憐韓。予時在中丞幕府太史贈詩有只有奇章愛牧之逾于僕射重昌黎之語誰將伐木篇章廢。重友如君自古難。

朱竹君學士

翰林學士本天才。不及相逢把酒盃。八百孤寒連夜接。千秋四部一言開。生前題柱心傾寄。學士未識予即寄聯云小

學劉臻吾輩定麗詞庚信早年成逾月下世死後登堂雪涕來。予以癸卯入都識令子少白因入椒花吟舫他日鴻都聞更奏。好焚邕冢請泉臺。學士

前奏請刻石經曾荷溫旨頃矣山中丞亦擬有此奏

查儉堂撫軍

平泉公燕集羣賢。予以舟山中丞坐上識公曾識靈光尙巋然。韻字至今留篋底。是日以竹柏之懷分韻予得竹字詩竟不就風流從此散

筵前。思量孤負遊山約。公會約作衡岳之遊不忍重題卜硯簫。公屬作宋謝枋得卜卦硯詩竟亦不就惆悵愛才非昔日。平津閣外幾

人傳。

游隨園贈袁太史七首

五年客夢此山中。重過名園話不窮。惟有先生與開府。謂畢中丞相逢教吐氣如虹。

小隱金陵卽謝墩。春游長日任紅裙。桃花十里人家種。欲擁詩仙上綵雲。

山泉流漲入方塘。三徑新開竹數行。孔雀窺人金絡底。似知來客有文章。
一重雲影一重花。金粉成圍住紫霞。幾代清涼輸六代。又教山色弄繁華。
等身詩卷著初成。絕地天通寫性靈。我媿千秋無第一。避公才筆去研經。
赤城桃樹倚雲栽。越嶠梅花逐蝶來。天與遊山人鬪豔。宗之顏色謫仙才。

先生攜震裳遊天台羅浮而歸。

愛士人猶似昔時。劉父多謝世人嗤。卻懷知己生平語。無復才奇氣尙奇。
先生始見予詩。有奇才之目。云天下清才多奇才少也。

偶成。

城南壯士始囊戈。思婦家家望月波。醉入長安市樓臥。箭癡如掌賭誰多。
晃朗寒空卷甲光。戍樓沙薄月荒黃。班生二十空奇表。只夢穹廬伴國殤。

酒後步月。

捲地寒光起積烟。遠山如夢失平田。稍看白霧縈天末。便有空江落眼前。
星影碎傾霜樹裏。籟風冷斷碧雲邊。酒腸詩思清如許。不信茲遊骨未仙。

二月花。

二月花。二十人。花枝一生人。一春春風紙錢滿新陌。不見花墳積三尺。
花枝看客常白頭。頭白誰遇花時休。烏程千石作花壽。黃金百斤繫君肘。
君行忘死花怨生。與汝衰髮移芳齡。松生千年自伐性。紅槿逢君

傲君盛。枯香殘萼無驚吹。勸君且復開雙眉。前身只逐東風去。却換紅顏入世來。

花開

一花才開一花落。門外車聲殞聲續。玉堂美人讀道書。不放春色窺幽居。游絲初明日絲細。自愛清寒服朝氣。古梁蟄燕亦避春。入室靜對鑪烟溫。春風百萬花舞骨。獨瘞梅魂斂香雪。

清明

棠梨低飛雜蝴蝶。白袂紅顏上墳立。酒香百滴持勸君。漠漠土花澆不入。古原日晚游人多。鴛裙鳳帶相經過。可憐異體隔哀樂。蜀魄自泣金鶯歌。江雲蕭騷欲飛雨。一去西郊一南浦。居人淚盡不復來。月黑空呼鬼鄰語。

寒食出游

鸞鬢行控大堤暖。獨燕背花飛自遠。城南書客來覓愁。步履只在林塘幽。墳頭蠅蠖逐人出。却認生人作枯骨。花閒有樓空數層。殘絲眯目愁孤登。麥苗低迷柏濃膩。綠雲如烟染天地。原頭春早花落多。二月踏盡如春何。花爲顏。草爲鬢。華年無多天亦吝。一月春歸去年閏。

題吹簫引鳳圖

披圖真見鳳皇臺。憶得仙遊訪古回。秦女鳳臺故跡在盤屋仙游潭側昔在關中到此惆悵長安西望遠。秦雲猶爲故人來。

林巒澹沍秋光淺。臺殿高低月影深。此夕參差爲誰思。只餘紫鳳是知音。

愁夜

卷簾唯挂枝。啓戶或垂蘿。苔積蟲多思。牆傾月易過。腕消驚釧落。影瘦覺鬢多。頰書彈淚粉。對茗拂愁蛾。慚同相秦別。各染茂陵疴。擁翅雞無響。心長柰夜何。

題繩旃伯父畫

伯父官遷日。重逢在帝京。山川于役苦。琴鶴舉家清。多別衣塵滿。相看鬢雪輕。畫圖傳本色。仍是一書生。泮柯家萬里。幾載別江湖。滿縣花無恙。隨身鳳有鷓。閒情工染翰。上考謝催租。何日東籬菊。歸山醉百壺。口占送萬大令應馨之官仁化。

嶺南令尹今才子。謁帝承明結綬新。此去好成清白吏。別來休憶軟紅塵。酒傾歧路醒千日。花惹離愁過一春。桃李他時栽滿縣。瓊樓須念忍寒人。

闕題

長年渾一夕。知爾慣孤宿。如何隻棲客。眼冷睇空綠。波搖想湔袂。籟動疑轉轂。纖暉不盈天。一羽自肅肅。幽痾斷香縷。苦淚并尊淥。塵網暗不收。棲螢上邃幅。孤肩耐風露。病息驚在屋。曉色何勞勞。懸星似魚目。新開河放棹。東章觀察。

竹里途中憶六朝。新渠一例潤肥磽。鄴都水好誰能用。賈魯功多怨自銷。禾黍高低人放闌。谿山回互客乘潮。清淮聞道須重濬。慮始人誰嗣鄭僑。

仙游潭口占。

穆駿曾傳過樂池。隨家行殿圯何時。多年事往雲仍在。終古巖深客未知。木杓欲橫人境斷。石形疑借鬼工奇。風流我笑髯蘇怯。題字重來却讓誰。

臘八日出遊。贈莊明府。斫。

山光向曉雜陰晴。柳色知春解送迎。臘八日從遊蹟記。三千里放客愁輕。幾人影共征鴻亂。半嶺雲添積雪明。拈得新詩報賢宰。年豐村落有權聲。

口占贈莊公子。遂吉。

青山絲竹紅樓夢。起爲蒼生却未遲。官若限年應更好。似君樂過少年時。

瓊樓。

瓊樓隔青漢。美人如飛仙。開戶月澤迷。折花埽流烟。邃心飄空濛。裊裊不得省。應有露腳來。秋衣一時冷。

殘愁。

殘愁裊裊中孤眠。門外流魂墮曉烟。小閣一層天。萬里不知春綠到誰邊。

梅莊訪陳華南郡丞其地本韓蘄王宅

桑柘千畦擁一村。霍山半面對層軒。詩人不爲鱸魚去。三泖春波直到門。
清風遺閣挂藤蘿。想見看山也枕戈。不是蘄王行樂地。荒涼臺榭本無多。
濃翠交窗惜不摧。繁紅經雨落成堆。牡丹到此難矜貴。只共山花一樣開。
爲我招邀客到時。簷花聲裏坐論詩。桃源草草留賓日。那得知音共酒卮。

題羅小峯梅花冊二首

想見江南幾樹斜。瓣香絕伎屬君家。神仙未必都寒儉。寫出冰天爛漫花。
放膽文章筆有神。圖中象外勢橫陳。梅花若肯勻顏色。穠李夭桃不占春。

玉蘭

迎春開趁早春時。粉膩香溫玉斲姿。容易階庭長得見。人從天上望瓊枝。

牡丹

濃香豔質自天然。栽入樓臺望若仙。應笑東君相識晚。不教開占百花先。

菊花

傳延年是神仙侶。瘦骨疎香好自持。珍重花開金粟後。歲寒留取傲霜枝。

月季花。

已共寒梅留晚節。也隨桃李鬪濃葩。才人相見都相賞。天下風流是此花。宋人有天下風流月季花之句。

題梁匠誨孝廉接山草堂圖。孝廉生貴州父任。

蠻烟埽黛雲巖碧。玉麟踏空曉無迹。畫綰回首古牂牁。一笈編蒲誦青白。喬柯留蔭威遠樓。郎君下筆相如愁。試飛尺檄諭父老。八騶訪舊天南頭。

題金月湄舅氏解鈴圖。

短衣長鋏碧山隅。手弄金鈴捋虎鬚。自繫不妨還自解。目中原未有於菟。詩豪酒俠見天真。翻笑城南射虎人。我愧巡方無異政。披圖空想獸能馴。

針魚鰓望對江翠蘿諸山。

江豚翻波早潮突。獨鶴飛遲覺天闊。收帆上岸客始驚。却視一舟輕欲沒。山頭曉寒收斷霞。樹影細碧如籠紗。狂風吹衣不得渡。隔岸青山謫僊妒。

闕題。

素浪疑衝桂殿開。仙舟疑犯析津回。騎鯨客去東山冷。此樂秋千待我來。

伍詒堂索題南山圖。乃王麓臺爲其先世張太夫人作。

畫臨北苑留眞蹟。坐對南山作壽杯。想見絳紗慈範在。一縑傳世抵瓊瑰。

移家金陵卽事

自看雙鶴掩柴關。靜看浮雲出岫還。不問蒼生不攜妓。謝公直是爲青山。
綠楊風引到山家。拄杖尋幽日又斜。滿地繁紅正零亂。牡丹不放十分花。
經時無術惜才疏。檢點空樓一寸書。北去心情渾不定。刀魚放下憶時魚。
翠微深處列華筵。碧漲生時蕩畫船。孤負水衡貲十萬。歸來儘用賣文錢。

遊攝山次江總遊棲霞寺及虎穴寺韻

茲山吳楚望。古跡宋齊肇。小別四載前。重來三月杪。騰身入巖坳。飛步出林表。歷劫幾樹存。寺有六朝銀杏排空
萬松小。捨宅今尙存。題名古逾少。天開巖有唐沈傳師題名。徧覓不繁華及春餘。濃香發清曉。紅或錦纈
然。白疑月華皎。時繡球牡丹正放。谿香闕靈藥。山靜辨鳴鳥。未窮絕頂遊。猶望空煙裊。吾衰取適志。勇退豈云矯。
幸遇名僧談。僧默然冒氏集民之後能詩。無嫌俗人擾。

入谷亦不深。能使世慮捐。殘春去何駛。滿地驚飛鷲。瞻眺故鄉近。定省歸思懸。愛此無心雲。舒卷東南天。
山迴隔林薄。逕轉通人烟。蔬香勝肉食。茗酌非貪泉。伐木尙求友。宿桑匪棲禪。大還乏仙術。小隱逢堯年。
題家頤谷侍御深柳勘書圖

早投簪紱老烟霞。絕業名山願正賒。自欲讀書求甚解。不妨種柳似陶家。疏通經義證康成。作賦寧矜擲地聲。天與吾家難王肅。叔然死後替人生。掩淚遺文手一編。門前烟柳故依然。鑿楹不負書千卷。欲向同時著述傳。

題紅蕙圖

一種幽芳遇賞音。數花絕豔邈難尋。孤根有日辭空谷。看取丹心換素心。

汪紫珊西園餞別圖

鶯啼花發節暄妍。重向邗溝泊畫船。風景西園都似舊。再來秋柳又飛緜。已別延陵又送君。驪歌岐路不堪聞。深情千尺春江水。可抵紅橋月二分。文壇詩國鬪名流。日近長安是壯遊。十載交朋易星散。酒壚重過不勝愁。宮閣新吟絕妙詞。折梅他日寄遙思。知君定有鱸魚夢。夢我東南理釣絲。

題陳進士凝齋道遺影次姚太史韻

國士思模範。儒林想鑄顏。紀羣傳世澤。濂洛在人間。子舍終身慕。書城百堵環。詔條徵別集。琴德仰高山。義舉拚燬獨。清風化懦頑。盱江棲隱處。叢桂幾時攀。

題甘夢六桐陰小築圖

炎曦滿地紅。桐影接天碧。中有展書人。歌聲出金石。書卷三千富。桐陰百尺高。孫枝看出屋。雛鳳亦凌霄。君築青谿陽。我居北山麓。朝爽共披襟。歸雲過飛閣。嘉樹真堪譽。清尊閒日開。羊求蹤不斷。論古訪君來。

黃梅次韻

密綴枝頭半展時。才過小雪是花期。先春正色霜難壓。晚歲寒香菊未知。落葉有情同抱樹。夕陽無限在高枝。兩行金粉平分處。卻笑江梅破萼遲。檀心靜裏有香傳。粧點昏黃水國天。半面玉顏疑對酒。前身金粟不棲禪。眉間相映姿長好。燭畔將融質更妍。千樹花光圍白屋。抵他宮闕住神仙。

題靜坐圖

蕭然襟抱欲凌雲。不用移牀遠俗塵。江左士修耆舊傳。斗南家有再來人。此時木落真吾見。到處風生四座春。我正耽閒遊物外。相看偏愛葛天民。

次韻贈張船山

避俗君能戒獨清。浮家我亦學逃名。但令人愛陶元亮。未必途窮阮步兵。中酒好忘經世志。著書聊遣暮年情。長安令僕多才俊。不用牛衣問仲卿。

慶方伯以其尊甫尹文端公遺象及袁簡齋王夢樓象合裝成冊。又自寫小象。并寫張船山及子

象彙爲一冊。屬詩紀之。

傳衣箇箇喜聞詩。繡佛人人願買絲。雅集西園曾作記。風流東閣許重窺。三朝共寫耆英會。半面真成曠世知。鍾鼎山林各千古。後人須恨不同時。

題六梅閣詩冊

自結吾廬傍虎邱。何曾鄧尉放扁舟。摩挲尺幅梅千樹。五月披裘作臥遊。

闕題

綠蟻頻斟座上清。青萍時聽匣中鳴。浮雲只似人間世。學道心平事亦平。何日扁舟訪戴行。數峯江上引詩情。開槎更捧家珍重。一卷兵書抵百城。

題吳思亭禪趣圖

得道應須慧業。坐忘本自儒家。不用攢眉入社。未妨微笑拈花。佳士寫真非易。名山絕業長存。有客香薰曾鞏。抵他絲繡平原。

題嚴小秋憶秋圖

吟煞江南杜牧之。蕭蕭暮雨倚聲遲。離山秋色清如許。更寫先生返棹時。

古詩

富貴有不如。貧賤安足恥。向長所未知。死何如生耳。我知倦思睡。所惡擾之起。恬然就衾枕。冥漠如小死。耄期慕休息。大臥同一理。釋氏想更生。神仙有蛻委。其於來去間。戀戀不能已。聖人見其大。凡物有終始。精神留著作。形質付孫子。況有廟食人。馨香閱千祀。爲我報子長。易義不外此。

題陳舍人希哲天寒有鶴守梅花圖卷

我昔別北山。寓鶴友人處。十年還山鶴。仙去輸君與。鶴常相守。早年禁近抽簪久。曾趨溫室樹無言。歸詠孤山梅在口。雞羣顧影殊常倫。爵縻雖好思出塵。白雲長護書千卷。明月來窺酒一尊。君不見腰纏十萬何足數。鶴到揚州思遠舉。又不見車前八駿徇以身。華亭之唳那可聞。歲寒我欲尋三友。鄧尉梅花鶴與君。

題巴臬使哈布看劍引杯圖

東閣風流乍許窺。披圖宛對浣花詩。賈生自媿相知晚。不見吳公作郡時。句宣到處有仁聲。心跡無私比太清。電掃公庭稀訟牘。于公把酒益精神。滇南樹績在旂常。孔翠高冠出上方。平過人間不平事。一條秋水匣中藏。循良治譜本兼儒。公暇重開萬卷餘。佩犢帶牛風盡革。三吳大有爲公書。戴星勤績已傳留。秉燭何妨作夜遊。我亦扁舟學吳詠。論心多上庾公樓。

知音兩世結緣深。花萼追趕到竹林。紅葉樓臺如畫裏。勞公一棹訪山陰。

題地樓夜集圖

谿山最佳處。細路轉丹樾。漸升坡陀高。遠見飛闌豁。禽聲正相樂。花事亦未歇。良友期適來。遊蹤興難遏。摩碑訪遺宮。淪茗到禪窟。歸途屐折齒。列坐燭見跋。玉山一時積。金盞十分凸。分手卽席間。懷人忽天末。題詩補前塵。對畫慰中渴。憶從婪尾花。看到當頭月。

揚州方立堂招飲作

別緒紛綸話夜闌。故交鄭重整杯盤。尊前落月隨人到。鬢上新霜秉燭看。蛤蟆味邊忘事易。鱸魚風裏去鄉難。廿年陳迹依稀在。他日鷗盟未可寒。

爲吳玉松太史雲題蓼花圖

紅蓼偶相對。滄江思渺然。九衢塵土裏。一夢水雲邊。玉宇寒逾豔。花磚望若仙。歸舟應羨我。小泊此花前。

題裴孝廉鑑午橋耕讀圖

晉公別墅記南莊。勝境重開句曲鄉。地肺仙山當戶列。秦淮源水到門長。傳書不墜青箱業。觀稼還營綠野堂。我愛青谿作流寓。謝墩南畔冶城旁。

題汪大令聽泉圖

空谷冷泠碧玉音。似曾相識寫胸襟。飛鳥影自蓬山下。棲鳳枝還聖域尋。

爲吳思亭題錢孺石先生蘭竹。

不見靈光有所思。淋漓醉墨想襟期。丹心直節無人解。付與空山片石知。

餞春和戴竹友延祚韻。

花事闌珊急雨催。春光未老興先隳。贈行倩爾將愁去。小別如人有約來。濃綠似嫌頭上雪。飛英猶戀手中杯。錦袍濺酒仙舟蕩。此樂人間第幾回。

題陳舍人守齋薊莊山居圖卷。

輞水樊川併一村。何時親款太邱門。百城書卷承先世。凝齋先生嘗聚書數千卷。總命曰江西文統。第五才名並哲昆。君行五。雞

鳳早年看展翼。桃花平世豈無源。清涼山色聯吟處。止惜先生席未溫。

僑居金陵客有比予隨園者戲作此詩。

孤負隨園曠世知。生兒略早去官遲。也營招隱三層閣。尙少驚人萬首詩。福地淹留先有約。名花開放不同時。只愁此後無窮世。賭墅爭墩又待誰。

隱仙庵古梅。

六朝山裏一枝春。瞥見繁花照眼新。歷劫不消香骨格。幾生修到玉精神。年深未必求知己。夢好常疑對

古人不是隱仙狂道士。空山誰與鬪荆榛。

十一月廿一日。慶方伯過常州。屬題莫灣泛月圖。卽次元韻。奉送入覲。

金閨亭畔手纔分。又值扁舟訪戴人。一夕蘭陵同翦燭。渾忘霄漢與沈淪。
鐙火杯盤共一杭。最佳風味在鱸鄉。饒他邗上三分月。可抵江南一片光。
大海浮萍易合蹤。朝天莫惜去匆匆。誰摹李郭登舟處。添箇神仙入畫中。
贈行東閣折梅華。有腳春回未有涯。不繫舟中重話舊。

制署有亭。文端公題不繫舟與袁簡齋燕集處。

知公節鉞又傳家。

惠山第二泉觀魚口占。

水底游魚上碧天。山光日影共澄鮮。中冷未必清如此。妄被人呼第二泉。

題周勛齋載菊圖。

開尊看到傲霜枝。九畹香中記索詩。花亦知君難割愛。春蘭秋菊不同時。
仙廚絡繹進奇珍。笑我空餘漉酒巾。一種簪來花更好。高冠翠羽鬪鮮新。
扁舟人望若神仙。幾輩同尋翰墨緣。記否耆英高會日。尊前花是傅延年。

又題鄧尉探梅圖。

已盟鷗鳥卸銀魚。水色山光黛不如。卻笑孤山太孤寂。要看紅袖折花初。

沈烽靜柝等閒過。豔曲尊前喚柰何。驛使縱傳春信到。一枝不及萬花多。
風泉聲裏管絃清。錦翠叢邊雪月明。高臥東山閒未得。愛花心似愛蒼生。

題采芝圖

弱齡慕仙術。蹉跎鬢霜侵。中間困游宦。及此初抽簪。朱君究方技。福地來句金。聞有龍仙芝。見茅山志結伴同
招尋。茅濛避秦隱。越翳入穴深。咄哉陶隱居。混俗無遐心。梁武非仙才。虛譽相浮沈。我乏駐顏方。臥疴對
遙岑。早讀黃庭篇。不爲梁甫吟。相期訪眞侶。舒嘯開神襟。舉手謝時輩。遺以青鸞音。

題王觀察寶言憶舊游圖八幅

續室書聲夜向闌。雪花入戶淚洑瀾。誰知絳帳虛垂日。報答宣文逮養難。
款段尋詩墊角巾。槐花如雨逐征塵。錦秋湖水長山色。併入文章秀絕倫。
含香粉署幾經年。檢點山公啓事傳。我亦鴛行曾聽漏。高寒回首夢鈞天。
一麾秋曉出春明。且莫登仙羨此行。何術澄清纔攬轡。至尊前席問蒼生。
鐵溝重過不勝情。歲歲乘槎指析津。一鶴迎門似相識。再來人換繡衣新。
金焦兩點鎖江流。破浪乘風作壯游。九萬圖南近霄漢。低飛何事羨閒鷗。
觴客南屏畫幃中。至今石室繪文翁。須知燕寢聯吟處。電埽公庭案牘空。

九疊匡廬杖策還。驚人詩卷動江關。待君更握三吳節。吟徧東南一路山。

閩督董同年教增歸里賦贈

廿載重逢鬢雪新。卅年同醉杏園春。一生峻望逢迎少。九曲巖疆節鉞尊。外補君陸見時求關宣室念。內用上諭丁未榜狀元榜眼與汝。遂初還乞散仙身。蓴鱸正好時清泰。出處俱堪傲古人。
俱外任亦是榜運。

題嚴子陵卻聘圖三首之一

畫中風景似前知。雛鳳雙雙抱又攜。圖中有載得西施只孤往。浮家此段勝鴟夷。

題周明府午日山居圖

萬疊青山一派泉。公庭銷夏正鳴絃。誰知枳棘卑棲處。心在羲皇上古前。子隱不妨來立石。東坡止解此求田。更慙咫尺桃谿路。未放山陰訪戴船。

乙亥花朝同人集五畝園吳思亭有詩見詒次韻奉答

結廬人境隔塵囂。舊雨頻來不待招。千載論交忘月旦。一春行樂過花朝。竹林徑好三三闢。梅閣寒從九九消。老去相如重滌器。何須榮遇說題橋。

方觀察體招飲署齋時新葺綠雨山房次吳思亭韻

病來書欲納楹桓。作達輸君酒盞寬。茅屋數閒重結構。蔀簷一路待全安。經綸花石眞餘事。圖寫江山亦

壯觀。壁間有廬山圖。小姑山圖。好繼陳助請疏浚。潮溝春水十分乾。時議復秦淮水道。便民運載。

殘鐙。

殘鐙明滅隔書帷。門外霜風動地吹。浙瀝雨聲愁不斷。呻吟病骨痛難支。永懷茅屋將積戶。遠憶扁舟涉險時。我擁溫衾坐深閣。也須矜恤漫嗟咨。

冶城遺集跋

自七卷已上。乃檢篋中零星稿紙。編次成帙。此第八卷爲冶城遺集。凡古今詩一百二十三首。又七卷中搜羅未盡者也。先生詩多不存稿。九歲作落花詩。有句云。明月照空池。少與同里知名士遊。爲毘陵七才子之冠。復以伉儷能詩。嘗摹宮體。有婦病句云。眉痕偏覺瘦來濃。指爪都從病後長。一時傳誦。蔣侍御和寧嘗稱先生詩云。氣清才奇筆超。非吸風飲露者不能也。其縱橫光怪。真推倒一世智勇。吾鄉大有才人。應讓此君出一頭地。程太史晉芳亦稱先生七古詩云。蒼涼沈鬱。自有七古以來。此種未滿十首。真太白再生。杜韓則無復爲之。何況餘子。客長安節署。與友人一夕賭作銷寒各體數十首。踰時而成。文不點綴。惜已散佚。僅存東坡生日詩一首耳。暮年酬倡之作。氣息醇茂。尤得風人溫柔敦厚之旨。其餘題詠尙多。散在四方。他日搜輯。再刊補遺。從子培龔慶謹識。

孫淵如先生全集

冶城集補遺一卷 芳茂山人詩錄第九

賦

館試千尺雪賦

以飛流漱峽盈科不已爲韻

訪泉聲于巖壑。挂瀑布于煙霏。望千重峽峻。儼六出兮花飛。吳郡峯多。數寒山之故蹟。說文箋罷。題聽雪于禪扉。始則幽人疑徑。逸士沿流。谿水澌洄。悵桃源之誰入。小山蟠鬱。攀桂樹以難留。想三島之神山。未通銀闕。比五丁于天棧。空望金牛。乍疏鑿兮粗加。遂林泉兮發秀。劈當玉于崇巒。走白龍于孤岫。風吹不斷。披襟則快與相當。石破飛來。礪齒則寒難多漱。于是光照幽崖。涼生遠峽。陽春不散。訝瓊樹之常新。碧漢逾明。擬玉山之高插。誤蘭舟之訪客。安道頻來。問蓬戶之幽眠。袁安應怯。旣躋攀之迢遞。亦激蕩之晶瑩。似匹練兮孤曳。方皓月兮常盈。積是天山。無間寒溫之節。落非銀漢。猶聞斷續之聲。爾乃襟虎邱之岌嶮。帶鶴市之陂陀。嶺穹隆兮比德。峯縹緲兮同科。仙闕遙開。似靈巖之石峭。天花亂落。奪鄧尉之梅多。昔之放浪煙蘿。淡懷簪紱。雖托志之幽遐。遜茲方之奇崛。氣凜然以自異。雁過頻驚。徑覓絕以誰援。鳥飛猶不。山非仙而亦名。人共地以專美。況江介之膏腴。又蘇臺之密邇。看遊屐之時經。觸吟情于無已。自天

題處。墨花與玉屑爭霏。拔地移來。峭壁共貞珉並峙。

詩

長門召幸圖。

流天明月夜笙歌。向曉銅壺靜不波。恃有黃金買詩賦。可知永巷望恩多。

閉門。

閉門苔綠抱幽人。桮朽書淫動一旬。何物牡丹猶爛漫。江梅開後已無春。

俠客行。

三尺劍。如枉矢。主人奉觴客上視。主人纖介莫復言。且去海上尋神仙。朝行歌。暮行乞。綠蘿如煙坐石室。武功尺五骨夜飛。日脚射面聞天雞。青狸前號鬼旁怒。客于此時馳不顧。鬢絲一夕爭心長。尺組爲國平邊疆。佞臣頭汗不足用。飲器須復煩名王。

送別。

城開見春草。極此萬里天。何不斷征路。青青分道邊。離程斷還接。放手何能及。看盡陌頭人。雙辭復雙立。君行路多岐。我心有因依。東風吹楊枝。百葉盡向西。鞭聲鳴空林。知君去煙底。淚冷不得銜。風吹落眼尾。呼君莫回頭。前有百里程。波明單騎影。華晚獨吟聲。獨吟還獨宿。夢識青山曲。一夜鵲聲翻。驚魂落谿屋。

酌我綠玉醪。開君瑤華音。窺杯見愁顏。投杯感孤心。

寄洪大禮吉

絕業平生亦有儔。異人盧霍待孤求。百年易冷名山骨。萬里誰馳極塞頭。獨旦迷琨休輟舞。兩賢蒙羿亦須讎。牛衣尚有長貧婦。爲訪騰空作遠遊。

詩三章

鳳皇爾何能。毛質欺四海。不及銜石禽。精誠死難改。山羊一角能觸邪。裁形作冠當殿衙。白鷹我謂可蒞。醜世盛安用相驕誇。男兒自有志。江水亦有涯。涯空詎無旁。志大終不他。譬若金在鎔。我必爲鑄。鑄錙錙。森芒一千丈。決雲能開截流響。安能從汝繞指柔。正畫匿形如魍魎。

懷蘭褐衣中。種蘭無人處。折蘭摧爲灰。慎勿寄行路。芳草自有心。男兒亦有思。眼中天多地三尺。抽劍百遍行前墀。男兒雖有思。芳木自有心。青桐未伐更百尋。安用屈折揚徽音。子期叔夜去不反。九死莫作師涓琴。

義車何隳隳。微物各有求。雋才無長年。夢鏡已白頭。精氣塞大明。遺蛻安足留。黃埃濛濛撒如雨。下辨齊州盡縵土。中天白日若不光。我浮其生讓前古。吟詩作賦豈足論。後世知我勿以文。朝狂暮狂胸礪礪。復取醇醪自昏穢。朝愁暮愁衰色侵。只借粉蠹耗雄心。淵騫以後盡章句。入傳莫復求儒林。

陶隱居遺址

前有陶淵明。後有陶隱居。斯人乃生六季餘。桃源茫茫不知路。只惜先生此山住。道人指點白石壇。古屋裂地生琅玕。心知至人本無跡。尙厭碑碣汗名山。丹砂茯苓此閒足。何必聯翩至皇屋。山中章奏達帝關。非吏非隱胡紛紜。當時丑木變草肅。宰相已受前朝恩。君不見大茅仙人亦殊苦。上界今猶列官府。

神仙曲

海明曩天雲立空。懸珠結玉成仙宮。桃顏阿母雙鬢蓬。裁帛夜寄東王公。沙羅作轡駕紫鴻。吹落笑語從迴風。文螺之卮碧蒲席。白蛙如霜飯塵客。鮑魚腥聞少靈骨。重霧媵娥喚劉徹。蘅蕪枕暖夢不醒。明日密刺刑文成。

自江寧至和州途中作四首

斷煙疏雨近清明。陌上花枝笑獨行。一夜孤吟憶犀渚。兩番別淚灑金城。空村病馬驚風立。落日荒雞趁客鳴。小住溪頭最惛悵。春波如夢綠蘋生。

短牋裁恨與閨中。夢破征途怨曉風。藥裹不靈生太瘦。愁城有味賦偏工。可能兩鬢年年綠。驚見山桃處處紅。記否勞勞別時語。索君詩寄北來鴻。

王孫去後草黏天。鳧鳧游絲欲化煙。淺碧四山圍款段。亂雲一樹挂秋千。漸憂壯歲如三月。可悟前生是

隔年灰蝶有心飛不去。豆花開遍野塘邊。
窮交千里恨分飛。誰款家園舊雨扉。自謂過之今不及。閱人多矣子真稀。好憑采石爲書几。欲踐天門作釣磯。江北江南兩愁望。白雲幽桂素襟違。

幽居

閒禽有餘樂。相對鳴不已。石逕銜梅根。風檐響柏子。空光隔簾青。落照入林紫。中有草元人。鬢絲垂兩耳。
夜坐懷吳二

春感

開卷思君久。缸花落紙燃。瘦應憐我在。寒欲到君邊。忽憶醉歌處。驚看月露鮮。素娥如解語。不忍向君圓。
黯黯羈愁枕。手眠征魂淒。斷買花天。一痕殘照千絲雨。春色如人弱可憐。
壁上新詞網細蟲。月寒燈盡背香籠。檀奴不返春空老。敲碎檐閒玉馬風。

曉渡烏江

日出江頭橈聲苦。咿啞啞雜人語。飛煙昏空滅復明。對面帆檣迷處所。舟人說事不解愁。驚起毅魄鳴啾啾。英雄失路古同憤。一夜夢斬淮陰頭。只有碧流流不已。壯士聞歌髮休指。重瞳背寒赤龍死。西風欲立一江水。

曉坐。

曉風吹檐絲。桐花落如剪。暗綠凝愁眉。濕紅團淚臉。暮暮出竹煙。斑斑積階蘚。瓦獸對蒼颯。銜松下荒厂。蟬軀變靈質。柏髮易衰鬢。空簾感秋人。流光展書錢。

寄內。

新恨都因夢。微涼不解醒。弱螢棲戶動。飛露墜枝明。帳側銀鉤落。檐虛玉馬驚。芳心灰共滅。隱几道書橫。蟬響動高梧。星低夜暗徂。疏霜生玉導。斜月覓金鋪。壁靜蟲牋在。闌空雁帛無。鬢香銷枕久。不耐曉吟孤。病目。

西施嫫母久失真。妍媸過別天。公嗔今人碌碌古人在。此中那得空四海。我今有眼青不能。白眼嫉俗宜爲懲。天公彎弧射眸子。欲令狂生悔如此。豈因酒惡生紅雲。不爲風酸落鉛水。請對以臆目。若言公勿嗜飲羅烹膳。凝神寂慮壹氣存。母耗爾精德之門。我聞大笑莫予侮。瞭眊胸中豈無主。張生不盲舜父瞽。世間病目那勝數。日月有食回清光。至理苟得形骸亡。腦脂遮眼我何病。快意一醉猶能狂。

入塞。

廟食將軍笑。烏啼少婦愁。徒聞萬人入。獨有貳師侯。自喜邊氛靜。何辭薄命休。所嗟空物故。不獲共馳頭。和胡雲坡宮保師紀恩詩元韻。

崧高今古迭生申。當代儒宗有替人。一卷遺經傳似續。三槐奕世晉絲綸。白雲望比天樞貴。烏鳥情通造化仁。請諡期過還賜諡。非常令典爲耆臣。

九家撰述揚先志。乙部收羅契帝情。楹內納書齋相去。殿中曳履鄭公行。論邀文矣千秋定。諡取良哉一字榮。自是甘盤勞記注。戴恩追孝感交縈。燕翼人皆頌德芳。龍門我幸近清光。西曹肺石論寬猛。南國甘棠未翦傷。宮保曾官江蘇按察周甲年深增少慕。文良公背世六十年兩朝主聖得臣良。承家又見孫枝擢。朴齋吏部與星清

白遺規慎莫忘。

闕題。

麝蘭香好莫輕誇。一種人稱及第花。除是仙人攀折得。廣寒心性厭繁華。散花時節近重陽。招隱吟成舉別觴。應是秋風吹不落。山中顏色畫中香。

題折蘭美人。

回首天台有所思。青衫白袷好年時。窺牆不爲東鄰宋。直愛青蓮醉後詞。俠游前度記停槎。香水溪頭第幾家。不但成陰愁杜牧。種來桃子又開花。珍重崔徽畫裏看。沈香薰罷供幽蘭。攜來小影天邊住。應夢飛身入廣寒。

送徐臬使斫之任江西。

石城雙槩送行旌。春水三江別情。曾否簪毫識承旨。居然投筆笑經生。淮徐堅壁紆籌久。隴蜀膚功唾手成。贏得傾尊重話舊。萬花影裏碧山橫。

雷菌

蟄蟲初醒燕初還。自愛園蔬未忍刪。幾處踏青經雨後。一聲隨笛出林間。偶同蘭草生當路。莫認仙芝賺入山。肉食客來仍染指。爲他失箸也開顏。

題青山莊訪古圖

里居時。予與洪稚存太史。亮吉。王秉玉比部。育璣。吳公珍明府。堂常遊青山莊。尋訪古迹。閱十餘年。予得第入翰林。三子皆計偕北上。會合京邸。補寫爲圖。其後洪王登第。吳以縣令隨牒中州。又數年。而王捐館舍。又十餘年。而洪吳亦下世矣。

眼看華屋變平疇。席帽僧衣落拓遊。交密總思貧日好。情多常替古人愁。黃墟寂寞稀同輩。白髮淒涼過故邱。一度披圖一悵悵。青山門外卽西州。

立夏前一日。趙味辛懷玉舟過吳門。小集授書堂。味辛與林遠峯鑄俱有作。次韻和之。

一櫂江湖水接連。逢君剛舉餞春筵。遲來未與蒼英會。前五日與潘榕皋吳玉松周助齋石琢堂諸君有此叙得句重聯翰墨緣。鷗鳥盟寒甘鷓退。子規聲好勝鶯遷。時聞李松雲前輩董觀橋同年遷官春光似海留難住。獨閉衡門畫輞川。

幾輩重登李郭舟。細從華屋數山邱。人如魯殿成遺老。水愛平江少濁流。過眼花開到楚尾。擊鮮魚早集吳頭。時始食鱖魚未成歸客攀行客。又向常州入潤州。

菊有同枝異色者。紅黃並放。因屬袁吏目爲圖。口占紀之。

駢枝殊色鬪濃纖。點染秋光費筆尖。如此名花耽隱逸。姚黃魏紫一身兼。

題汪小愚桐陰聽鶴圖。

菊花叢裏扣園門。難得相逢把一尊。可是家山忘未得。桐成翠後鶴乘軒。君住西湖我北山。除書恐復到柴關。未妨他日隨雲出。又買扁舟載鶴還。

題甘子湖敬侯墓碑。

東晉衣冠成古邱。文孫不媿繼賢侯。蕭蕭風木鍾山路。訪墓何時跨塞游。余祖明佐命功臣諱繼達。賜葬鍾山。至今尙未訪得其墓。

寄王生詩。

袖裏桑經真故紙。眼中瓠瀆又登臺。蕭蕭白髮華年去。可似黃流挽得回。

闕題。

曾記鈞天結綬隨。見公自媿挂冠遲。東南山水題名徧。況有驚人萬首詩。五色雲中數少微。三高祠畔遂初衣。家山未遜蓬山好。雛鳳摩霄亦倦飛。

九月晦日王通守招集得樹庭作

風光又餞九秋天。得樹庭開羣屐聯。脫略要如斯會少。招邀終賴主人賢。清歌嘒嘒珠同貫。晚菊疎疎燭助妍。卻笑病夫剛制酒。爲君破例一陶然。

重疊前韻寄方觀察

體

未妨鹽鐵議從桓。經術能兼吏治寬。司馬園林非獨樂。杜陵茅屋似山安。三三會恐追陪後。七七花開頃刻觀。方牧清風只如此。豈宜筆笑德琳乾。

單父寒河詩

一卷河渠手重開。防川此日爲低徊。誰知都水行河去。翻似高人荷鍤來。詎假長菱和玉座。徑須捧土障流迴。毫般從古嗟昏墊。先事何人與捍災。功成不日聽輿謳。紅旆巡工下綠疇。曉埵人如春蟻出。夜堤燈似燭龍遊。放晴天與經旬便。輸桔田仍一倍酬。極目東南風浪惡。江鄉誰與繪民流。賈策於今未合宜。上流築堰竟相持。黃金與土真同價。滄海爲田只片時。比戶視民猶按堵。看山容我又支頤。自來河勢同兵勢。祇要爭先一著奇。

曹南道中卽事

麥浪村村見。桑陰處處成。政平民物便。官定夢魂清。訪古經雷澤。看花駐郡城。最嫌游未倦。旌蓋促行程。

九月二日工次作丁巳。

早年姓字被人知。中歲功名漸覺遲。九十韶光過一半。此中爛漫是何時。時年四十五

霜螯箇箇客前排。菊蕊離離影亦佳。卻對杯觴不能引。黃河萬里在胸懷。

誰言曼倩戲塵寰。玉宇高寒鶴未還。屢見桑田變滄海。神仙光景似人間。

也隨雁陣宿高岡。喜見犁田透麥芒。拋擲華年與佳節。忽忽七日又重陽。

將歸江左作。

夢見歸期已有期。重看衰鬢惜歸遲。官隨病去愁才減。鶴共書還喜可知。出山時寄鶴友人處尙厭浮名添俗累。幸

無長物擾清思。仙都未抵東南好。花月春江載酒詩。

吳次升太守送牡丹至金陵。卻寄。

驛騎傳花到恐遲。故人情重合酬詩。移栽堂北蕭閒處。憶見曹南爛漫時。丁巳歲試上曹南值牡丹正放異種未容金作

價。清風應與石相知。唐陶山取廉石之意爲余題廉卉堂白門四月春如海。人愛姚黃第一枝。

弁山中丞見示木瓜詩四首次韻奉和。

是誰投我伴堂空。永好情添一倍隆。秋實有人成獨賞。歲寒知爾更堅中。經時抱樸兼金價。他日調元上

藥功恰稱廣平心似鐵。不須梅惹賦才工。

雕盤玉案薦相期。一摘寒林莫怨遲。心比和圓能不轉。味如諫果有餘思。求曾若渴虛長夏。熱豈因人獨後時。定恐東陵名近似。細從香氣辨差池。

相於懷袖亦因緣。耐久交同竹柏堅。曾與提攜休落手。不施雕飾竟朝天。宜州人種木瓜。嫩紙作花。以充上貢。見本草圖經。根留中土疑雲上。山憶宣城隔雁邊。金粟前身誰省識。好離形相認方圓。

檀梨香讓久還聞。桃李情同重不分。作報商量清比玉。相扶容易步凌雲。莫愁抱蔓隨秋盡。須省傷根有客芸。曾子芸瓜。誤斷其根。事見家語。看取華堂存碩果。主人栽得十年勤。

冶城集補遺跋

龔子少山編次吾師遺詩。合之手定諸集。共得八卷。孫旣爲校字。付之剞劂矣。復搜羅散佚。將編爲補遺。適句曲裴竹臞茂才。寄示藏本一帙。皆丙申以前少作。中與稚存先生酬倡者居多。南麓先生因屬亟爲校錄。前稿所未載者。共得古今體詩二十四篇。悉以附入斯編。並授之梓。噫。乙未丙申之間。兩先生皆諸生耳。顧王君周南旣手錄其詩。裴君復藏之篋笥。珍若珙璧。今兩先生手稿。往往棄去無存。獨賴是帙以傳。若裴君者。其亦異於世俗矣。夫受業海寧楊文孫識。

孫淵如先生全集

長離閣詩集序

曲阜孔廣森

昔靜女之三章。取彤管焉。被壽人於笙磬。非無都荔之詞。列緡宿于義娥。不廢葦杭之怨。葛山少婦。執越布以歌勞。柘館貞嬪。裂齊紈而歎逝。書之硯北。盡金屋之奇才。選入江東。卽玉臺之新詠。女子善懷。香奩尙已。則有通華胄望。淑慎閨儀。南國新人。東家舊姓。十三織素。二七裁衣。漱潤蕤于瓜年。剡芳名于茗玉。長言婉婉。女師德象之篇。好句流連。吉甫清風之誦。前身蓮葉。不踐陳泥。他日椒花。必多新製。況復鴛鴦左顧。孔雀南飛。歸小婦之高堂。調弦錦瑟。識上頭之夫婿。絡轡青絲。鑪熏夕而共香。鏡照塵而同影。司空博物。本兒女之多情。內史工書。作夫人之弟子。斯又王郎天壤。愧此多能。居士桑榆。羨其嘉耦者也。若夫紅羅帳掩。朱鳥窗開。初成墮馬之妝。自服游龍之彩。繡餘茵茗。倦卽停鍼。製就茱萸。織常當戶。莫不語綠情靡。感與候遷。牙管一雙。金釭二等。雪凝謝苑。擬飛絮于風前。日出秦樓。歌條桑于陌上。至如雙聲讀曲。十索名題。陽羨新茶。紬書鬪罷。南安早栗。故事疏來。香沈水而郎歌。繭懸絲而妾和。西陵松柏。便結同心。北地焉支。彌增善睐。香囊叩叩。是繁掾之定情。雜珮珊珊。有鄭姬之驚夜。奚止爲歡玉女。爭投百箭之驍。射雉珠臯。始見三年之笑。又如草生南浦。梅下西洲。贈子將離。呼卿小別。蓑藍盈舸。指五日以爲期。蕭艾

懷人比三秋而更遠。遺簪紹縑。破鏡連環。書檢六張。文周四角。蘭成集上。曾裁寄婦之言。徐淑詩中。不少望夫之什。亦或少君歸里。對挽鹿車。侯光去吳。仍偕鴻婦。漢水之平塗七百。江陵之遠道千三。春嶂青螺。來發雙蛾之色。秋波白鷺。迴成九曲之珠。是則七邑東征。曹家善賦。百泉舟楫。衛女寫憂。抑亦詩發乎情。情生于文者。與然而蒼生江上。杏倚雲邊。未免牢愁。誰能理遣。重以諸姬適邸。永歎肥泉。季娣歸鄆。先零弱歲。芝焚易感。蕙質何堪。幾日飛龍。祇愁藥店。數聲別鶴。忽上琴絲。簾塵則榻冷琉璃。吟筆則牀空翡翠。左思嬌女。能無失母之悲。班固佳甥。應有問神之作。於是子荆改服。文度多傷。求故劍于箱簾。綴遺翰于鏡檻。紅桃麗字。遂書河北之箋。白蠟妍辭。徧識閩中之媛。而或者謂結璘有藥。弄玉凝仙。三髻雲鬟。蓬壺已隔。層波羅鞵。洛浦仍逢。倘作異聞。傳諸好事。則綢繆贈答。將皆戴勝之瑤觴。宛轉聲音。盡入彩鸞之唐韻。

序

閨閣而工吟咏。事之韻者也。綠窗名藁。伽音著集。風雅之家述焉。然大致不外賦草題花。抽青媵白。非必有驚人句。超詣之作。鄭貞懿云。近世婦人女子作詩。率皆纖艷委靡。桐城方夫人云。偶爾識字。堆積齷齪。信手成篇。由斯以論。亶其然乎。余觀王孺人薇閣偶存詩。有異焉。其思幽以沉。其言超以雋。揚激楚之清音。役精空之妙手。蓋雖苦吟雅宗之士。所有不逮。可謂體絕香奩。才雄巾幗者已。聞孺人端麗明慧。熟漢晉書。工楷法。多才藝。顧年僅二十四而化去。屠氏湘靈。袁家君慙。折玉埋香。古今同歎。其詩尙有二百餘首。尊人菽山先生索之未至。茲所見者。才三四十篇而已。菽山先生將以授梓。屬余爲點定。爰弁數言。於簡端云。閩縣葉觀國。

序薇閣偶存詩草畢。復題長律一首。

容華刻玉氣吹蘭。紺帙長隨鏡檻安。罷繡吟成藤紙貴。留香草在墨池寒。生天有籍宜切利。住世無多似小鸞。若向詩家論格力。長江昌谷重登壇。罷繡吟侯官女郎王虞鳳著。留香草合刻屠瑤瑟沈天孫詩。

薇閣偶存弁言

閩縣何森林

東鄰黝女爭傳賦。茗之才。南國佳人競做簪花之格。紫絲步障。時落譚鋒。青玉華軒。頻飜絮雪。鮮妍翰墨。居然衛氏夫人。英雋才華。允矣袁家學士。豈特釵鳳鏡鸞之句。妙著新妝。亦非香蘭醉草之吟。代傳白燭者也。觀薇閣偶存詩集。併讀小傳。知爲毘陵女士。姓王氏。名采薇。別字玉瑛。乃武進王明府菽山老先生之第四女。句容廣文孫君書屏老先生之冢婦。而茂才孫淵如之德配也。靈慧夙成。岐嶷蚤異。蔡文姬六歲辨琴。徐惠娘八齡作賦。端莊靜一。不愧林下風姿。貞淑幽閒。羣仰閨中儒雅。誠所謂埽眉才子。當不徒刺繡神鍼。無何零陵道上。倏逢解脫之緣。女儿山頭。竟作飛昇之路。振珮環於天上。餘韻無聲。留詩卷於人間。靈膏不散。瓊鏡灰冷。三更好月空明。寶篆風微。一縷游絲。竟去掌天厨之九百。天地人寶藏兼司。檢月牘於三千。始中終夙根未斷。茅君西畔。夢訂後期。切利東偏。詩傳前事。考月夕之分數。兼聽鴻溝。偵灰墮而遲留。空悲慧劫。絳河已杳。長居離恨之天。青鳥不來。永隔塵緣之路。聆鐘聲於闕下。蓬島宵分。浥露氣於宮中。瑤臺夜迴。五霞洞掩。已鞭鹿而逍遙。一足童來。枉焚香而睇視。覩流雲之黯黯。密緒千絲。聽珮玉之錚錚。芳魂百匝。靈雖長在。總杳杳而冥冥。見卽如初。亦先生而世世。語雖涉怪。事卻非誣。傳密思於仙娥。皆堪訂證。寄遙情于虬筆。孰語荒唐。願遺事之可傳。究仙蹤之莫挽。就使樂天長在。徒刊紫石之文。劇憐牛女云亡。空誦遺芳之稿。爰吟

短截聊當輓歌。謹撰弁言。用申哀誄云爾。

翡翠玻璃得所於絳仙才調女相如。玉京難覓修文客。珍重紅妝作校書。
殿居切利鬱巍峩。青鳥西來隔絳河。惆悵昆庭石公子。吹笙何處聽雲和。
偶來塵世了前因。知是蓬壺第幾人。劫火灰殘天地老。白楊青草石磷磷。
幻影遄馳廿四春。瑤環莫認去來身。劇憐故國招魂地。曾否趨庭晤老親。

題辭井序

三山張經邦

薇閣偶存者。毘陵王菽山先生第四女玉瑛女士遺草也。玉瑛不櫛書生。埽眉才子。楊盈川之女。少賦金釵。王內史之妻。幼工絮雪。性獨耽夫吟詠。手不釋夫篇章。鸚鵡硯中。罕點石州螺黛。鷓鴣香畔。恒攤蜀郡蠻箋。重以案側。伯鸞人間司馬。才真勁敵。歡比良朋。從枕上以論詩。直欲遠宗四傑。向花間而吮筆。非關頻埽雙蛾。意必探珠。音還夏玉。以庚庚之妙理。運乙乙之幽思。斯固慧勝文人。詣超巾幗者矣。詎意優曇一現。僅開頃刻之花。忉利先歸。遂駕長離之鳳。芳園豆落。祇結相思。露井桃殘。竟成薄命。嗚呼。天閻難問。呼妙子以何從。仙路非遙。幸巫咸之可叩。爰憑青鳥。還寄素書。掌玉殿之縹緲。勝彼瑯嬛百架。降瑤天之咳唾。裁將金簡一函。密語深情。不數分釵擘盒。青天碧海。空懸夢雨。靈旗噫。王子登不踐紅塵。董雙成虛傳遠信。興思及此。厥痛何如。是以菽山先生。先示一斑於梨棗。而淵如孫子。尙尋斷夢於稠桑。雖令方朔術窮。迷雲輿兮八極。尙冀劉生傳在。貽彤管以千秋。用敍長歌。聊充哀誄。祇慙禿穎。莫罄靈奇爾。

瑤光炯炯煥天章。散彩遙臨大道王。第一仙人同妙想。次三神女亞卮娘。珊瑚風度離仙闕。慧質明眸朗

秋月。似吹芳氣作蘭言。疑隔冰牕見香骨。仙女昌容隔牕見骨受繙緜帙近簾裾。少小先工倒薤書。鳳味平連金翡翠。

菱花移傍玉蟾蜍。更有清才薄柔靡。揮毫獨把鉛華洗。俊逸寧如罷繡隄。精深真陋香奩體。詩成高唱

入層霄。露滿瑤臺奏六么。跋膝聲凝雙鳳管。參差音賦九鸞翹。夫婿由來亦仙客。碧虛宮裏曾偕謫。天台
雄賦擲金聲。零雨清吟擘銀書。階前唱和月痕斜。趙管風流未足誇。那知一夜飄蕭雨。落盡同心姊妹花。
從此朱顏減歡思。投琴獨灑看花淚。孺人以悼姊致疾花如人面不禁秋。流雲爲車鶴銜轡。用薇陶句渺渺茫茫離恨
天。水晶闕外住霞軒。反瓶覆水空悲咽。難寄桐君十幅箋。脈望薰殘檢書暇。鏘然風送仙音下。董雙成到
步虛輕。一足童回寒漏罷。噫吁乎上界真人游戲歸。祇餘荀令斷腸詩。願將別鶴離鸞曲。寫作芙蓉閨苑
詞。

讀長離閣詩漫題卷末

儀徵阮元

青燈涼涼夜如水。魂豔心香動殘紙。病意多從別後添。吟懷已在生前死。琉璃硯匣彩雲天。好事人間那
得堅。玉臺空有傷神句。鏡裏宮花破不圓。

孫淵如先生全集

長離閣集一卷

昆陵王采薇

燕燕子飛。

流光何暉暉。暉暉亂春日。獨燕銜愁來。懸飛鏡池淥。池淥何多情。堂空復孤驚。羽豐離其窠。哺足辭所生。回身顧新侶。得食哀哀鳴。

山中作。

夜松何濛濛。月小飛不起。知有抱瑟人。垂光碧簾底。露氣明曲巖。花光照虛夜。一片白雲聲。飛泉隔煙瀉。自君之出矣。

兩瘦不相識。炯心如流丹。掬贈焉可得。

山中憶吳如霞姊。

帷鐙照宵衾。澗水聞夜室。天靜遠煙搖。華雲度流月。幽棲亦心好。思子方首疾。憶昨寄遠書。淒淒淚盈帙。生愁一何滋。少樂從是畢。虛房想清讌。蛾響落清瑟。何由寄新吟。慰我中似結。

復與季速夜起視月同作。

虛扉浹宵開。涼鐙照幽素。蕭蕭鴉不翻。團團雲稍去。蛩底聞行泉。箚黑辨浮露。外役于此捐。中疴自茲念。循階桂華歇。交戶瓜蔓吐。徒乖有懷衷。未協長往趣。亦有同心人。斯情積難訴。

池上書寄薇隱

日暝幽眠涼。流雲漲巖曲。想思寄長風。動汝窗外竹。池頭孤行薄羅冷。卻憶把書雙對茗。受露衰荷散葉香。臨谿獨鳥矜毛影。

望夫石

妾顏初如花。妾心已如石。定情雙妍姿。不忍君歸見衰色。妾顏當彫心不移。妾身亦化君始知。冰爲肌。草爲鬢。山頭無人寄君信。妾意淺。君心深。恐君復化填海禽。冤禽來銜石方動。不作巫雲入君夢。

香草河舟晚

疎林無人葉飛影。暝渚歸帆貼空冷。斷岸泥多鴨爪痕。亂山鐘到鴉巢頂。鄰舟嫋嫋歌入煙。明月已讓星懸天。來風吹衣恐仙去。白道還疑翠微路。

曉步

曉色凝不來。鴉颺去何許。茶煙生溟濛。孤桃索人語。幽亭無人拓窗徧。一桁碧。山低未見日。氣如煙聚水。心雨光滿地。流花片□□。

夢遊

一星迷濛遠谿路。出礙荒煙入橫霧。峽中泉氣冷逾秋。峯底天光碧疑曙。僊鳧飛空蜀江小。露雨香挑覺春早。瓊樓貝闕搖靈瓏。衣翠霞紅各漂眇。流雲爲車鶴銜轡。心著游絲不堪繫。斷橋園水水壓牆。雙燕爭魂墮空砌。

秋胡曲

珂聲璫璫踏春疾。立處蘭風下林末。柔桑落臂弱不收。花頰流紅射朝日。冰縑夜斷不願金。妾淚自墮因著簪。倉庚少婦能銷妒。磐石男兒不鎮心。

蘭芝曲

嚟鬟垂雲粉黃落。夜半嚴粧起幽閣。已分單棲似伯勞。劇憐薄命逢姑惡。紅桐掩墳秋骨灰。阿母淚落心當回。莫隨怨魄填波去。合化幽魂促織來。

華清曲

玉魚如冰冷犀齒。雪色靈禽作仙使。石扇龍銀守別魂。不似蟾宮敞千里。蓬萊山高無落虹。釵盒夜泣翡翠空。雨零石磴荒夫草。網暗宮門縊女蟲。

昆靈曲

宮槐隴隴向清曙。蠹粉梁空燕無主。玉篴不動踏堂塵。簾底菱花學眉語。蟬絲細帳蟲織成。秋簟夜碧噓潛英。翻翻小蜨隨君幅。跡跡衰梧作履聲。

前樓

前樓交樹檐柯徧。後戶穿窗月輪見。樓空貯愁愁不升。飛露著鏡如吹鏡。長天無鴻斷來信。自禱夜風吹夢近。一夕參差隔院聲。梨花飛白春人鬢。

句容齋舍

山鶯破曉第一聲。綠蘿雨落如珠纓。連松猶合夜泉響。殘月不避晨光明。晨光曺曺逗深幕。開戶持書候空鶴。零雲一片吹不開。卻挂碧潭潭上關。

寒食吟

花枝揚揚柳宛宛。不動陂塘水芹短。破冢孤梅掩骨深。敗牆小蜨尋魂遠。紅鮮綠穉隨春天。咽咽蜀禽飛不高。紙錢挂樹雨淋盡。滿地暝煙開鬼桃。

秋夜答季述

金鑪無香道書朽。隔枕秋聲下殘柳。瑣窗眉斂愁寄牋。懸夢已入浮雲邊。蕉廊風多獨吟處。落葉幽魂各來去。寒蟲一夜颯漸低。露白星黃共爭曙。

夢天。

碧闌十二花無數。桂葉低籠若青霧。蕊宮誰遣別魂游。只有青禽送來去。波離扉薄不上關。對語月姊瓊樓閒。銀河珊瑚瀉聲小。手弄白雲天下曉。

春眠曲。

篁梢壓戶簾紋細。空色湖光著山膩。鶯眠樹杪弄垂絲。蜨上花鬢醉芳氣。琉璃隔香香暗流。薇帳夢醒閒輕鈎。空闌盡日無人影。日炙落紅薦不收。

夏行曲。

白波疊玉荷如錢。綃戶織月疑空煙。青蟲挑鬢受花露。丹鳥入幕棲芸編。疏桐垂陰下苔井。雨去新蟬一聲警。蘭堂夜靜還獨開。小玉眠涼抱枝影。

秋望曲。

花梢凝霜散寒蜨。檐角垂絲挂零葉。南谿別處渚連空。瘦綠愁山照波濕。細煙青鎖雅尾長。淡日半入幽蟾黃。虛房未暝吹鐙坐。露眼風蹤弔曲廊。

冬坐曲。

曲瓊押幔香絲起。酒波微皺夜及子。花蠟心朽不得仙。粉蛻空僵碎黃裏。風榼臃臃通月澤。屏外烏囁瘦。

林直已罷懷人更憶親。冰紅淚落蘭膏碧。

木蘭詞

生男勿喜歡。生女勿悲酸。女生當懸弧。女足亦莫雙行纒。不見木蘭女。代爹征可汗。出門望行塵。日色青漫漫。顧笑諸少年。泣行胡耶切。何汎瀾。流塵凝雙眉。飛露綴兩肩。閨中何能貴。不及鐵衣錦韉黃金鞍。閨中何能豪。不及銜霜度雪聽風湍。蛇矛丈八氣決前。精感白日昏沙煙。生還見天子。天子動色言。要金佩玉作纖步。綽約顧影驚千官。上堂拜父母。父母疑重看。開簾覓我故時鏡。手脫長劍分雙鬢。君不見東家女兒好顏色。朝貧穿鍼莫貧織。西家女兒衣盈箱。自矜嫁得金龜郎。男兒封侯妾何有。要取黃金自懸肘。

春暝曲

青楊分鬢下拋地。暝色春空綠膏膩。怨土成雲葬玉京。虛簾燕落相思淚。檐鈴細語春眠回。撲樹晚蜂嬌不歸。園扉斜開石泉冷。笛韻吹愁出苔井。黃月如星慘一鉤。杏花樓暗藏人影。

離居曲

露華網戶參差光。碧筠粉薄如棲霜。涼堂下簾簾窳地。素手無分玉如意。燔膏作鐙檐不紅。夕撫綠綺空窗中。一聲涼破楚天碧。去雁叫影思離鴻。南山點苔愁向曉。獨客臃臃涉長道。樓前月浪卷衣來。夢裏江聲隔帷小。

霽行曲

幽窗無人竹枝重。晴色風林散雅夢。曲沼圓文上薄冰。差差曉日魚吹動。黃編落枕愁獨眠。下階自惹花間煙。金蟾鎖春不得住。已入暗戶生苔錢。南雲沈沈雁慵度。鳳紙回文積筐蠹。已是春衫染淚來。亂紅更見鶻隰處。

病中憶歸效簡文卦名詩

雁小過樓迷。流雲復滿溪。蘿蒙纔上月。竹比已開扉。蠟照憐粧損。蟲吟識夢離。旅魂宵不定。革帶日仍移。病漸因霜痼。心恆似葉危。何時升畫閣。言歸妹把衣。

曉起效徐陵體

春鏡動春煙。春林綠半天。簾低壓枝卷。窗迴對禽眠。書帳蠅彈紙。琴牀風觸弦。辭衾惜香在。掃徑待花鶯。研墨污羅袖。看魚落翠鈿。誰云厭長日。終是惜馳年。

早起憶弟婦

日華生曲沼。昨夢去東軒。露雨出深草。禽花雜一園。粧餘唯拂卷。繡裏更看山。護葉如長帶。蘋英似小鈿。何時話離恨。雙笑北堂前。

銅雀臺

日莫碧空杏。望窮如有存。雲癡想歌態。月轉見牀塵。草暗露凝跡。樹斜煙曳魂。此中君不起。何許泣能聞。可惜分香女。都無殉沒人。

不眠。

不眠虛靜夜。憶別損清娛。月芒生鏡匣。露顆雜簾珠。徑壞轉鮮葉。巖寒尙碧蕪。息檐唯旅燕。映樹有垂菴。夜夜梅枝下。迎寒減病軀。

曲渚。

曲渚斜生白。疏星動欲昏。四更桃葉影。一縷杜鵑魂。斷雨還零砌。虛簾自打門。蕭蕭庭作短。都作淚花痕。山空。

山空收夜氣。墟上露千星。嶺月流塵几。窗風亂道經。鶴隨雲到戶。蟲與葉棲亭。是夕懷蕭史。幽行徧綠汀。雨夜。

響急衣砧合。聲沉漏箭隨。黛痕侵故壁。香影聚重帷。碧簾眠傷骨。紅鏡病壓眉。數株門外柳。苦伴暝禽垂。病臥得季述詩。

病減無三日。春歸又隔年。能傳閉關句。來破擁衾眠。落雨時連蒂。喧禽不出煙。開簾放香篆。應始覺晴天。送春。

如何送春處。不見有春歸。落雨絲闌住。殘花蝶鬪飛。黃驪正漂蕩。碧葉空參差。徒傷持桂酌。況復易裘衣。

山夕

草蟲門徑遠。一路入谿煙。月滿無人地。鐘殘有雁天。心孤聞動竹。衣冷近流泉。欲覓鄉關夢。樓空獨上眠。

幻夢

幾疊春山路。誰分碧扇開。露光生竹石。雲氣雜樓臺。鶴度涼潭去。鐘穿薄霧來。微茫天水闊。我夢正尋梅。

初春

曉鏡慵梳飾。幽窗夢破遲。梅梁波反影。芸帙曙通曦。花逐調琴指。鶯隨入鏡枝。十分春欲去。惆悵未成詩。

山夕

將暝室生白。松花滿石闌。碧潭琴影瘦。黃葉客衣單。網露迷蘭徑。茶煙惹竹竿。瓊枝空憶夢。挑飯不能餐。

夢起步後園

蘭香流一澗。桑煙染半岑。雨開殘照影。花動小樓陰。蜂晚能喧夢。塵凝不上琴。何時識芳草。眠裏定幽尋。

半嶺和薇隱韻

半嶺幽居好。疏談向夜分。劍明疑有月。香細欲生雲。新醞皆松木。清娛有典墳。湘簾池上動。苦露濕行裙。

舟次

風斜舟近岸。竹外復蘆中。樹裏屏中綠。荷愁鏡浦紅。殘霞猶眇莽。出月已空濛。莫惜橫烟住。孤吟答露蟲。
有感。

不見畫釵處。驚看過月痕。簾斜生鳥影。屏小貼花魂。鳳瑟埋塵冷。蛟綃濕淚溫。石牀苔掩鬢。黃蝶欲棲門。
水宿。

冥冥堤畔路。草草別時家。碧影沈湖月。紅心上冢花。鐙微還下雁。鐘冷不驚鴉。薄醉和衣宿。扁舟入樹斜。
九月十四日舟由丹徒夜半與薇隱乘月登岸行三里作。

幽行已三里。村落半攤扉。隻鳥時依樹。孤螢不上衣。月平人影小。潮定櫓聲稀。沿水星星火。歸驚宿鷺飛。
寄薇隱次韻。

春牖對芳林。朝陽上綺衾。戶低交葉暗。徑小受花深。金錯循離恨。瑤璫鎖別心。欲諳芳草路。因夢寄新陰。
山齋病起憶亡姊。

澗響當宵定。嵐光入戶深。餘雲泛幽石。碎露滿疎林。竹院彈碁斷。松房沸藥聞。重泉埋玉客。誰識正思君。
答薇隱復次前韻。

香霧斜橫帳。衣絺重壓衾。夢聽唳鳥亂。愁與落花深。易盡千行札。難分一縷心。相如情若固。何用白頭吟。
悼姊。

殘夜一禽驚。鐙幽夢轉明。把書尋淚色。掩幔想衣聲。微病花全發。深眠月暗行。蜀絃塵裏斷。已任指尖生。

寄季速時客和州。

空院題詩對碧莎。華年作別歎蹉跎。夢餘捲帳人疑在。書去尋愁語轉多。曉岫入雲飛斷雁。夜鐙照雨落殘蛾。空江無復憐才客。此夕租船憶嘯歌。

空室。

蠹壁蛛絲掩綠琴。碧苔紅葉拾遺簪。露寒花帶唳痕長。月小簾圍夢影深。條脫寸寬辭病臂。秋千伴遠繫春心。幽梅一樹還闕戶。似約幽人到綠岑。

山夕。

碧簾不卷映風羅。十日清愁獨抱疴。寒浦帶星垂似露。夜風吹月動如波。入樓葉趁人蹤斷。隔戶梅疑夢影過。莫更砧聲近空院。女顏宿草徧墳科。

蔣墅舟次和季速下第有作。

一夕霜花濕鬢青。湍聲出渚棹初停。病中龍具和衣泣。愁裏魚簫帶夢聽。隔浦葉多飛似鳥。入林鐙小遠于星。從君湖海幽尋志。何日浮家去杳冥。

七夕悼姊。

奠果穿鍼聽曲街。瘦林斜月闌虛齋。愁年不共生年短。死日方知別日佳。風燭作花搖怨影。露螢隨淚墮孤懷。故牀盒飄零在。望有吟魂到玉階。

憶別和薇隱

閣中羈客淚盈醪。湖上征人草染袍。小樹雨寒蜂去靜。亂花風壓燕銜高。幾年歎逝閒清笛。百日傷離閣彩毫。波影連天柳迷路。幽行惟有夢魂勞。

晚立

旋整羅衣候月斜。蕭然人影出晴紗。烟中紫燕相思語。霜裏紅蕖獨自花。住久小樓因對嶺。斷來清夢又無家。曲闌幽話何時展。一笛西風萬樹遮。

二月十七日柬薇隱

五日春陰不啓關。封書始此整幽鬟。離愁作霧疑沉水。曉病如烟盡著山。淚裏鏡開花四照。夢餘簾動燕孤還。錦囊自續新吟滿。何日憑欄與共刪。

得薇隱從金陵寄一書

尺幅吟牋照淚眸。半窗斜日夢孤舟。愁如天遠還窺帳。病與雲親不下樓。濕翠雨收侵硯匣。落紅風颭上簾鉤。青山到處應相憶。除是征人醉裏游。

三月三日。

綠楊樓角帶棲鴉。欹枕鑪聲正憶家。吹夢夜風先到樹。弄愁寒雨不妨花。蟲依香影垂簾網。蛾怯晨光墮帳紗。我已離愁懶春禊。徑泥何處又鳴車。

夢起。

夢醒思家望翠微。幽苔染影上羅衣。寒天細竹人孤倚。斜日空檐燕對飛。碧嶺疊來鄉路斷。玉梅枯盡舊魂非。夜堂疎磬疑禪寂。冷水閒雲照合扉。

寄父。

疎鐘殘雨計宵程。貧日偏傷遠別情。薄宦十年徒三黜。衰顏千里更孤征。飢猶勵學憐諸弟。弱未酬恩厭此生。一夜趨庭夢言笑。曉窗垂淚聽春鶯。

空樓哭亡姊。

綠槐影裏露幽扉。寂寞樓頭落照微。此地獨來空繞樹。幾時別去更牽衣。風停虛幌神靈在。雨壞幽苔淚跡稀。誰語愁心向梁燕。故巢莫作一雙飛。

春夕。

已罷讐書怨夕遙。更聞疎竹度隣簫。靈瓏鳥語驚簾押。寂寞香絲繞畫綃。一院露光團作雨。四山花影下

如潮傷離不爲何郎句。病久東陽自損腰。

秋夜不寐

獨掩幽窗臥不成。香心冷死粟肌生。五更霜月欺燈影。一樹風鴉續雁聲。短草積烟歸夢怯。長林挂葉曉魂輕。鞠闌半曲還扶病。水玉簾間看啓明。

哭姊

斷甲遺琴委故牀。思君獨旦不成裝。花邊風起肩誰擁。月裏烟銷影更涼。殘墨尙明牋上淚。餘膏空落枕前香。翠屏一角棲歌哭。祇恐猿聞也斷腸。

臥病

漠漠凝塵掩鏡臺。藥烟如霧夢初回。寫魚影裏窺花盡。驚鵲林中覺月來。故里信疎拋舊翰。夜窗語冷見殘盃。長卿亦有懷鄉恨。百日青琴欲上苔。

向夜

樹影入清漢。蟬聲動小樓。僂闌弄清笛。微月在釵頭。

偶成

竹葉鳴紗牖。蟲聲雜錦梭。簾長燈燄小。山亂月明多。

歸寧後尋亡姊故居。

痛定猶開鏡。嗁多不整粧。紅苔黯空壁。飛電夜明房。

夢中作。

欲暝疑將曙。涼春似早秋。青山獨歸處。花暗一層樓。

夢中作。

草長蘭弄影。鶯語蝶飄魂。一畝淒淒水。斜陽卻在門。

幽夢。

幽夢隨雲細。細生闌干經雨入流螢。夜堂獨自花迷影。碧漢風吹雁出城。

寄季迷。

嫩寒幃幙雨廉纖。衾上春衫逼曙添。試束晨妝拓幽閣。小紅齊見破煤尖。

回文。

壁上蟲牋舊。鑪香近帳紗。石幽和瑟冷。衣薄引衾加。隔院過蜂蝶。分牕對竹花。席長橫帙亂。簾側挂枝斜。客思愁來晚。林空滿立鴉。

和薇隱韻。

噉喉歸鴻驚社後。旅館鄉心逗。夢入曉雲飛。綠遍天涯。不認門前柳。
露桃影裏人非舊。春也應難久。風日又清明。獨對殘紅。寂寞簾垂晝。
右調醉花陰

長離閣集跋

伯舅淵如先生配王夫人。才慧早世。曾刊薇閣偶存一卷。得詩詞雜著三十八首。畢秋帆尙書刊吳會英才集。復於伯舅雨粟樓詩後附錄夫人詩。名長離閣集。較舊本增損不同。蓋選時各有去取耳。今年春慶爲伯舅蒐輯遺集。自夏徂秋。編成付梓。將有中州之行。外舅南麓先生。更屬編次長離閣集。乃以薇閣偶存及吳會英才集所選者。互相校訂。合爲一編。凡詩詞雜著七十八首。附刊冶城遺集之後。袁簡齋太史爲夫人作墓志。稱其詩哀感頑豔。丁當清逸。王菽山先生爲作小傳。並摘佳句。有寄父云。饑猶厲學憐諸弟。弱未酬恩厭此生。詠木蘭云。男兒封侯妾何有。要取黃金自懸肘。步月云。隻鳥時依樹。孤螢不上衣。秋夜云。五更霜月欺鐙影。一樹風鴉續雁聲。春陰云。離愁作露疑沈水。曉病如煙盡著山。悼姊云。把書尋淚色。掩幔想衣聲。春夕云。一院露光團作雨。四山花影下如潮。七夕悼姊云。愁年不共生年短。死日方知別日佳。舟次云。隔浦葉多飛似鳥。入林鐙小遠於星。有感一律云。不見畫釵處。驚看過月痕。簾斜生鳥影。屏小貼花魂。鳳瑟埋塵冷。鮫綃濕淚溫。石牀苔掩鬢。黃蜨欲棲門。皆已載入集中。又有感云。名香一縷當簾出。故札千函向月開。入夢已迷前度草。返魂惟有去年梅。惜首尾不全。集中未載。姑附錄於簡末焉。伯舅號季述。一號薇隱。茲編題內或稱季述。或稱薇隱。皆依原本。夫人喜讀漢晉書。尤工小楷。嘗見夫人爲伯舅手錄詩草一冊。絕似永興家法。因題句冊後云。手寫新詩墨細研。永興楷法尙依然。名山各有千秋業。

偕老何須說百年。以誌景仰之誠。且紀實也。嘉慶戊寅秋七月。從子培龔慶謹識。

亡女王采薇小傳

亡女采薇字玉瑛。余第四女也。其生母方娠時。夢月旁星光熠熠。或告曰。此四女星也。欲手摘之。倏不見矣。及生。姿質清弱。週晬病幾危。八歲許。同邑孫文學星衍女。旣長。貌端麗。性柔婉。耽文史。手不釋卷。尤工小楷。好吟咏。余以詩非女子所宜。遂祕之。雅愛潔靜。每明窗淨几。讀書臨帖。煮茗供花。翛然物外。時繙道家書志。神仙余切戒之。則止。而夙根靈慧。時有出塵之思。性至孝。得嫡母白孺人歡心。迄於旣嫁。猶依戀不舍。待人接物。和順恭敬。余鍾愛之。每有拂抑。噴怒對之。輒解。人以為吾家嬌女。雖大家左芬。不是過也。年十九。贅壻星衍於家。次年壻補博士弟子員。壻聰穎工詩。倜儻不羈。邑中時有毘陵才子之目。然頗恃才。不屑屑爲經生。吾伊態。或縱酒放歌。女數箴勸之。甲午秋闈報罷。女頗抑鬱。從壻之句容官舍。舅姑俱稱美之。而女以乍離膝下。又值余三女適吳者暴亡。女悲慟欲絕。自願孱弱。亦恐壽命不長。居常悒悒。乙未九月。生女阿靈。得嗽疾。體漸尪怯。丙申七月。歸寧。病益劇。竟于十月二十三日卒。距生癸酉九月十九日。得年二十有四。先是八九月間。余謁選都門。知女病。竊憂之。然以其貞靜閑淑。冀可不致夭折。自冬徂春。不得家書。心瞽亂。若有所失。今年二月初。得惡耗。計歿時逾百日矣。壻已于十一月中葬女于橫塘鄉新阡。余不獲撫棺一慟。情何能已。聞殮時。顏貌如生。手足溫軟。似解脫者。今年春。有能爲扶鸞術者。訖詞稱女住忉利東宮。掌上界書。並有寄外八絕。其事甚異。或有鬼物憑之耶。抑宿根之說。不盡荒唐耶。余自

庚寅歲適許之次女亡。甲午三女繼之。今四女又繼之。七年之內。連喪三女。哀何如也。前明吳江葉太常天寥。兩女昭齊瓊章。皆以才歿。太常作窈聞記。傳其事。閱者哀之。余三女似昭。四女似瓊。近聞虬仙事。又適相類。女所配既得才士。而天不永其年。奚忍令其湮沒無聞。與流螢落葉同歸澌盡也。歿後檢故笥。得詩詞雜著若干首付梓。伏冀大人先生。矜其蹇薄。錫以輓誄。使幽泉弱息。得言而傳。則鄙人之哀。亦以少釋云爾。武進王光燮。菝山氏和淚筆於京邸。

誥贈夫人亡妻王氏事狀

夫人姓王氏名采薇。父光燮。乾隆元年進士。宜黃縣知縣。贈奉政大夫。兵部主事。生母黃氏。弟五人。姊三人。妹一人。一弟一妹同母生。夫人少以姿質端麗。尤爲父鍾愛。外舅之擇壻。必推年命。當發科與否。或以子生年月日告外舅。推而善之。亟介戚好言姻事。時予生數齡。家君遠出。大母許通聘。以乾隆三十六年冬十二月。年十九。成婚于甥館。越四年。隨余歸句容學舍。四十一年。以疾歸寧。卒于十月二十三日。距生乾隆十八年。得年二十四。凡生二女。後皆殤。始外舅之在令廨。以文學飾吏治。不延幕僚。事皆辦。多燕閒。其教女一如教子。嘗自言吾女慧。或過于男。故夫人姊妹俱識字能書。既婚數日。夫人屬余填詞。並約園碁。余皆未學。頗心媿之。後遂爲小詞酬夫人。而卒不能對弈。夫人終日持一編書在室。教其幼妹。時時臨帖。好虞永興楷法。或爲余錄詩。至今有存篋中者。嘗言唐五代詞。率可倚聲。被之簫管。春餘夜靜。輒取李後主簾外雨潺潺詞。按箏吹之。令余審聽。至流水落花人去也。天上人間。聞者歛歔。其後寫夫人遺影。爲落花流水圖。以此旣歸句容。時余大母在堂。兩親愛子息。無苛禮。定省之暇。不事鍼黹。夫人好絮除几席。余每陳書滿案而出。比入室。則夫人爲整齊之。偶得許氏說文。與余約日識數十字。久之。予遂通小學。山齋有桐桂古柏。冬寒月皎。對影蕭瑟。或出戶閒吟。或焚香開卷。論說史事。俱有神識。不信佛書邪鬼之語。不視稗官小說。旣得疾。終夕嗽不止。又痛其姊先卒。自疑以產致疾。將不起。爲詩詞多淒楚音。有詞云。歸

夢到江南綠遍天涯。不認門前柳。又爲詩云。五更霜月欺燈影。一樹風雅續雁聲。余驚以爲不祥。乃起對落英歎曰。人常惜花早謝。紅顏出世。不勝衰癯耶。病甚急。歸母氏因送之。至里門。遂不起。臨歿遺言。勿厝棺佛寺。故余亟擇地鄉郡之橫塘鄉權葬焉。越十二年。余以翰林改官尙書比部郎。例贈宜人。及嘉慶元年。余出官山東。兗沂曹濟道。例贈恭人。皆請貤贈先世。今年以予官督糧道。加三級。贈夫人。夫人卒時。余曾爲事狀。年久失其稿。有袁太史爲夫人墓志。已屬梁侍講同書。寫刊于石。頃因整理家乘。復記憶遺事。撰次大概。以示後人云。孫星衍狀。

孫薇隱妻王孺人墓志銘

錢塘袁枚

孫薇隱秀才詩才倣詭能爲昌谷玉川家數予愛偉之今春二月以其亡妻王孺人事狀及詩索予銘幽予讀其樂府諸篇哀感頑豔丁當清逸故知完山之鳥無異吭之鳴雲和之笙有雙瑄之奏宛其死矣士也婆娑彤管旣淹元石斯耀謹按孺人姓王名采薇宜黃令光燮公女也有天紹之麗姿慍愉之修美天女九相靈芸三絕年十九歸秀才秀才故食貧者賦感昏時以帛拜代香纓孺人不槩于心能鉏其色守成湯嫁妹之誠捐夏禹脩容之粉調言筴巢味之器治乾穰饋食之籩威姑以下愉愉如也每至玉女沙涼金蟲鐙小釵橫三鏡髻妥半蟬孺人焚衙溼之香展排比之卷或抽觴以啓顏或論古而交謫誦靈飛之篇目王母心驚成鑿鑑之圖章南海紙貴秀才愛玩賢妻有終焉之志匪云嘉耦直是吟朋且其神識尤異儕輩嘗讀王章傳曰牛衣妻自賢柰沮仲卿上書終是恇怯女兒又對落英歎曰人當如渠蚤謝慮有憐者何俟頹侵才舍恆榦耶味其言直以形骸爲桎梏晝夜爲一致采雲留影曇花愛空宜其拂衣行矣便登女媧之邱執手奄然難挽靈妃之步病成解休熊失嬖妍卒年二十有四秀才開華鏹之故匣見都膚之舊痕哀思夕流憤泉朝涌遂乃詣宛若請神君執鬼中玩仙牒知孺人故是兜率宮掌書者雖跡涉幽渺莊士不言然浴羲女于甘淵奔純狐于月窟乃自古記之秀才鍾情語怪以妄寒悲當亦君子所不廢也以丙申年十二月葬常州府城東橫塘鄉之原銘曰

驚女鹿佑。楚客問天。緣何彼姝。以此名焉。宜其奄忽。離瑜復位。當景收蘭。臨華罷翠。悵悵孫楚。蟹行索妃。歌離弔夢。有涕漣漣。檫娥臺高。玻璃魂杳。定有青鸞。集此華表。

